





御選歷代詩餘卷二十四目錄五十二字

南歌子又一體

毛熙震

孫光憲

歐陽修

蘇軾十一首

黃庭堅二首

秦觀四首

晁補之二首

陳師道二首

賀鑄三首





毛滂 三首

周紫芝 三首

謝逸

周邦彥

田不伐 二首

李祁

呂渭老 三首

楊適

向子諲 六首

蔡伸 三首

葉夢得

徐俯

趙師俠

陳與義

趙長卿 五首

張元幹 三首

呂本中

鄧肅

曾覲 二首

楊无咎 二首

侯寘

辛棄疾 三首



范成大 三首

陳三聘 二首

張孝祥 三首

程垓 八首

袁去華

王千秋

王炎 二首

陸游

嚴仁

史達祖

吳潛

徐照

洪璚

沈端節

黃昇 二首

張樞

張炎

石孝友 四首

趙君舉

僧揮

李清照

劉仲尹



趙攄

王從叔

劉基 二首

吳子孝

王錫爵

楊慎

張大烈

陳子龍

沈宗堦

葉小鸞 二首

前調 又一體

石孝友

御選歷代詩餘卷二十四目錄



御選歷代詩餘卷二十四

五十二字

旨校刊

南歌子

又一體一名風蝶令一名望秦川歌亦作柯雙調五十二字

南歌子

毛熙震

遠山愁黛碧橫波慢臉明膩香紅玉茜羅輕深院晚堂  
人靜理銀箏鬢動行雲影裙遮點屐聲嬌羞愛問曲  
中名楊柳杏花時節幾多情

前調

孫光憲

豔冶青樓女風流似楚真驪珠美玉未為珍窈窕一枝





芳柳入腰身 舞袖頻回雪  
歌聲幾動塵 慢凝秋水顧  
情人祇為傾城著 處覺生春

前調

歐陽修

鳳髻金泥帶 龍紋玉掌梳  
去來牕下笑 相扶愛道畫眉  
深淺入時無 弄筆俚人久  
描花試手初 等閒妨了繡  
工夫 笑問雙鴛鴦 字怎生書

前調

蘇軾

山與歌眉斂 波同醉眼流  
遊人都上十三樓 不羨竹西  
歌吹古揚州 菰黍連昌歎  
瓊爨倒玉舟 誰家水調唱  
歌頭 聲繞碧山飛去 晚雲留

前調

蘇軾

雨暗初疑夜 風回忽報晴  
澹雲斜照著 山明細草軟  
溪沙路馬蹄輕 卯酒醒還困  
仙材夢不成 藍橋何處覓  
雲英 只有多情流水伴人行

前調

蘇軾

日薄花房綻 風和麥浪輕  
夜來微雨洗 郊坰正是一年  
春好 近清明 已改煎茶火  
猶調入粥餠 使君高會有  
餘清 此樂無聲無味 最難名

前調 觀潮

蘇軾

海上乘槎侶 仙人萼綠華  
飛昇元不用 丹砂住在潮頭  
來處 渺天涯 雷輶夫差國  
雲翻海若家 座中安得弄  
琴牙 寫取餘聲歸向水仙誇



前調

蘇軾

師唱誰家曲宗風嗣阿誰借君拍板與門槌我也逢場  
作戲莫相疑 溪女方偷眼山僧莫眨眉却愁彌勒下  
生遲不見老婆三五少年時

前調

蘇軾

欲執河梁手還升月旦堂酒闌人散月侵廊北客明朝  
歸去鴈南翔 窈窕高唐玉風流鄭季莊一時分散水  
雲鄉惟有落花芳草斷人腸

前調

湖州

蘇軾

山雨瀟瀟過溪橋瀏瀏清小園幽榭枕蘋汀門外月華  
如水彩舟橫 苔岸霜花盡江湖雪陣平兩山遙指海

門青回首水雲何處覓孤城

前調

臘八飲懷民小閣

蘇軾

衛霍元勳後韋平外族賢吹笙只合在緱山間駕綵鸞  
歸去趁新年 烘暖燒香閣輕寒浴佛天他時一醉畫  
堂前莫忘故人憔悴老江邊

前調

蘇軾

笑怕薔薇眉行憂寶瑟僵美人依約在西廂只恐暗中  
迷路認餘香 午夜風翻幔三更月到牀簾紋如水玉  
肌涼何物與儂歸去有殘妝

前調

蘇軾

雲鬢裁新綠霞衣曳曉紅待歌凝立翠筵中一朶彩雲



何事下巫峰 趁拍鸞飛鏡回身燕颺空莫翻紅袖過  
簾櫳怕被楊花勾引嫁東風

前調

蘇軾

見說東園好能消北客愁雖非吾土且登樓行盡江南  
南岸此淹留 短日明楓纈清霜暗菊球流年回首付  
東流憑仗挽回潘鬢莫教秋

前調

黃庭堅

槐綠低牕暗榴紅照眼明玉人邀我少留行無奈一帆  
煙雨畫船輕 柳葉隨歌皺梨花與淚傾別時不似見  
時情今夜月明江上酒初醒

前調

黃庭堅

詩有淵明語歌無子夜聲論文思見老彌明坐想羅浮  
山下羽衣輕 何處黔中郡遙知隔晚晴雨餘風急斷  
虹橫應夢池塘春草若為情

前調

贈陶  
心兒

秦觀

玉漏迢迢盡銀潢澹澹橫夢回宿酒未全醒已被鄰雞  
催起怕天明 臂上妝猶在襟間淚尚盈水邊燈火漸  
人行天外一鈎殘月帶三星

前調

秦觀

愁鬢香雲墜嬌眸冰雪裁月屏風幌為誰開天外不知  
音耗百般猜 玉露沾庭砌金風動瑄灰相看有似夢  
初回只恐又拋人去幾時來



前調

香墨彎彎畫臉脂澹澹勻揉藍衫子杏黃裙獨倚玉闌  
無語點檀唇人去空流水花飛半掩門亂山何處覓  
行雲又是一鈎新月照黃昏

秦觀

前調

樓迴迷雲日溪深漲曉沙年來憔悴費鉛華樓上一天  
春思浩無涯羅帶寬腰素真珠溜臉霞海棠開盡柳  
飛花薄倖只知遊蕩不思家

秦觀

前調

譙園作

霜細猶欺柳風柔已弄梅東園槌鼓賞新醅喚取舞裙  
歌扇探春回妙舞堪千盞長歌可百杯笑人將恨上

晁補之

春臺勸我十分一舉兩眉開

前調

晁補之

睡起臨牕坐妝成傍砌閒春來莫捲繡簾看嫌怕東風  
吹恨在眉間鸚鵡花前弄琵琶月下彈驀然收袖倚  
闌干一晌思量何事點雲鬟

前調

賀友堂成

陳師道

故國山河在新堂冰雪生萬家和氣賀初成人在笙歌  
聲裏暗生春今代無雙士當年第一人杯行到手莫  
辭頻明日鳳池歸路隔清塵

前調

同王立之督茶

陳師道

天上雲為瑞人間睡作魔疎簾清簟汗成河酒醒夢回



御選唐詩言餘 卷三  
五  
眇眼費摩挲 但有寒暄問都無 鳳鳥過塵生銅碾網  
生羅一諾十年猶未意如何

前調

賀 鑄

疎雨池塘見微風 襟袖知陰陰 夏木轉黃鸝 何處飛來  
白鷺立移時 易醉扶頭酒 難逢敵手棊 日長偏與睡  
相宜 睡起芭蕉葉上自題詩

前調

賀 鑄

境跨三千里 樓侵尺五天 碧鴛鴦瓦 晝生煙 未信西山  
臺觀壓當年 野色分禾黍 秋聲入管絃 閒揮談麈 襞  
吟牋 三十萬家風月共留連

前調

別思

賀 鑄

斗酒才供淚 扁舟只載愁 畫橋青柳小 朱樓猶記出城  
車馬為遲留 有恨花空委 無情水自流 河陽新鬢儘  
禁秋 蕭散楚雲巫雨此生休

前調

定空寺  
賞梅

毛 滂

暮霰寒依樹 嬌雲冷傍人 江南誰寄一枝春 何似瓏璵  
十里更無塵 雨萼蘸脂淡 香鬢蝶子輕 碧山歸路小  
橋橫 誰見暗香今夜月 朧明

前調

東堂賦  
秋月

毛 滂

庭下新生月 憑君把酒看 不須直待素團團 恰似那人  
着樣秀 彎環 冷射鴛鴦瓦 清欺翡翠簾 數枝煙竹小  
橋寒 漸見風吹疎影過 闌干



前調 和李師文

綠暗藏城市香清撲酒尊淡煙疎雨冷黃昏零落酴醿  
花片損春痕潤入笙簫膩春餘笑語温更深不鎖醉  
鄉門先教歌聲留住欲歸雲

毛滂

前調 方錢唐侍兒

蟬薄輕梳鬢螺香淺畫眉西湖人道似西施人似西施  
濃澹更相宜畫燭催歌板飛花上舞衣殷勤猶勸玉  
東西不道使君腸斷已多時

周紫芝

前調

霧帳蘭衾暖熏爐寶篆濃眼波猶帶睡朦朧臥聽曉來  
雙燕語春風螺淺歡餘黛霞消枕處紅斷雲飛雨怕

周紫芝

匆匆欲去且留情緒兩忡忡

前調

周紫芝

白羽傳觴急金鞍躍馬遲雲間彩鳳看雙飛飛去碧梧  
枝上穩雙棲林下風流女堂東坦腹兒此郎標韻世  
間稀好為伯鸞舉案又齊眉

前調 春夜

謝逸

雨洗溪光淨風掀柳帶斜畫樓朱戶玉人家簾外一眉  
新月浸梨花金鴨香凝袖銅荷燭映紗鳳盤宮錦小  
屏遮夜靜寒生春筍理琵琶

前調

周邦彥

寶盒分時果金盤弄賜冰晚來階下按新聲恰有一方



明月可中庭 露下天如水風來夜氣清嬌羞不肯傍  
人行颺下扇兒拍手引流螢

前調

田不伐

夢怕愁時斷春從醉裏回淒涼懷抱向誰開些子清明  
時候被鶯催 柳外都成絮闌邊半是苔多情簾燕獨  
徘徊依舊滿身花雨又歸來

前調

田不伐

團玉梅梢重香羅菱扇低簾風不動蝶交飛一樣綠陰  
庭院鎖斜暉 對月懷歌扇因風念舞衣何須惆悵惜  
芳菲拚得一年憔悴待春歸

前調

李祁

嫋嫋秋風起蕭蕭敗葉聲岳陽樓上聽哀箏樓下淒涼  
江月為誰明 霧雨沉雲夢煙波渺洞庭可憐無處問  
湘靈只有無情江水繞孤城

前調

呂渭老

策杖穿荒圃登臨嘯晚風無窮秋色蔽晴空遙見夕陽  
江上捲飛蓬 鴈過菰蒲遠山遙夢寐通一林楓葉墮  
愁紅歸去暮煙深處聽疎鐘

前調

呂渭老

遠色連朱閣寒鴉噪夕陽小爐溫手酌鵝黃捲亂一枝  
清影在寒牕 念遠歌聲小嗔歸淚眼長纖腰今屬冶  
遊郎朝暮楚宮雲雨恨茫茫



前調

片片雲藏雨重重霧隱山可憐新月似眉彎今夜斷腸  
凝望小樓寒 夢斷雲房遠書長蠟炬殘夜妝應罷短  
屏間都把一春心事付梅酸

呂渭老

前調

怨草迷南浦愁花傍短亭有情歌酒莫催行看取無情  
花草也關情 舊日臨岐曲而今忍淚聽淮山何在暮  
雲平待倩春風吹夢過江城

楊 适

前調

柳眼風前動梅心雪後寒年光渾似霧中看報荅風光  
無處可為歡 一曲聊收淚三杯強自寬新愁不耐上

向子諲

看端怕見長安歸路嬾凭闌

前調

向子諲

江左稱巖桂吳中說木犀水沉為骨鬱金衣却恨疎梅  
惱我得青遲 葉借山光潤花蒙水色奇年年勾引賦  
新詩應笑薌林冷澹獨心知

前調

向子諲

碧落飛明鏡晴煙暮遠山扁舟夜下廣陵灘照我白蘋  
紅蓼一杯殘 初望同盟飲如何兩處看遙知香霧濕  
雲鬟凭暖瓊樓十二玉闌干

前調

郭小娘  
道裝

向子諲

縹緲雲間質輕盈波上身瑤林玉樹出風塵不是野花



御選歷代詩餘 卷五  
凡草等閒春 翠羽雙垂珥烏紗巧製巾經珠不動兩  
眉顰須信鉛華銷盡見天真

前調

向子諲

梁苑千花亂隋堤一水長眼前風物總悲涼何況看頭  
心上不相忘 因夢聊攜手憑書續斷腸已驚蝴蝶過  
東牆更被風吹鴻鴈不成行

前調

向子諲

雨過林巒靜風迴池閣涼窺人雙燕語雕梁笑看小荷  
翻處戲鴛鴦 共飲菖蒲細同分綵線長今朝真不負  
風光絕勝幾年飛夢繞高唐

前調

蔡伸

蕭寺疎鐘斷虛堂夜氣清涼蟾偏向水牕明露井碧梧  
寒葉顫秋聲 幽恨人誰問孤衾淚獨橫此時風月此  
時情擬倩藍橋歸夢見雲英

前調

蔡伸

遠水澄明綠孤雲黯淡愁白蘋紅蓼滿汀洲腸斷圓蟾  
空照木蘭舟 節物傷羈旅歸程歎滯留佳期已誤小  
紅樓賴得今年猶有閨中秋

前調

蔡伸

恨入看峰翠寒生酒暈紅臨歧凝淚灑西風須信人間  
無物似情濃 玉鐙敲霜月金鉦伴曉鐘淒涼古驛亂  
山重今夜擁衾無寐與君同



前調

葉夢得

雨惜山容斂雲矜棹影開忽看霽色射林隈為問空亭  
清月為誰來 盡洗歸時路重傾醉後杯未應霜雪遽  
相催留得佳期猶在共徘徊

前調

山樊

徐俯

細蕊黃金嫩繁花白雪香共誰連壁向河陽自是不須  
湯餅試何郎 婀娜鬢鬆髻輕盈淡薄妝莫令韓壽在  
伊傍便逐遊蜂驚蝶過東牆

前調

趙師俠

木落千山瘦風微一水澄清霜暖日快歸程喚渡沙頭  
款款話離情 傍岸漁舟集橫空鴈字輕凭闌凝望眼

增明一片瀟湘真箇畫難成

前調

陳與義

矯矯千年鶴茫茫萬里風闌干三面看秋空背插浮屠  
千尺冷煙中 林隴村村暗溪流處處通此間何似玉  
霄峰遙望蓬萊依約曉雲東

前調

早春

趙長卿

春色烘衣煖宮梅破鼻香盡驅和氣入蘭堂又是輕雲  
微雨下巫陽 酒帶歡情重醺醺氣味長晚來拂拭略  
梳妝笑指一鉤新月上迴廊

前調

道中直  
重九

趙長卿

此日知何日他鄉憶故鄉亂山深處過重陽走馬吹花



無復少年狂 黃菊擎枝重紅茱濕露香扁舟隨鴈過  
瀟湘遙想萊庭應恨不同觴

前調

夜坐

趙長卿

霜結凝寒夜星輝識曉晴蘭膏重剔且教明為照梢頭  
香縷一絲輕 坐久看看困新詞綴未成梅花熏得酒  
初醒更向耳邊低道月三更

前調

趙長卿

春思濃如酒離心亂似綿一川芳草綠生煙客裏因循  
重過豔陽天 屈指歸期近愁眉淚灑然無端還被此  
情牽為問桃源還有再逢緣

前調

暮春  
值雨

趙長卿

黯靄陰雲覆滂沱急雨飛洗妝枝上亂紅稀恰是褪花  
天氣困人時 向曉春醒重偎人起較遲薄羅初見試  
輕衣笑拭新妝須要翦餘醺

前調

張元幹

遠樹留殘雪寒江照晚晴分明江上數峰青倚檻舊愁  
新恨一時生 春意來無際歸舟去有程道人元自沒  
心情楚夢只因沉醉等閒成

前調

張元幹

玉露溥寒菊秋風入敗荷繚牆南畔曲池渦天迴遙岑  
倒影落層波 月轉檐牙短更傳漏箭多醉來歸去意  
如何只為地偏心遠慣絃歌



前調

涼月今宵滿晴空萬里寬素娥應念老夫閒特地中秋  
著意照人間 香霧雲鬟濕清輝玉臂寒休教凝佇向  
更闌飄下桂花開早大家看

張元幹

前調

驛路侵斜月溪橋度曉霜短籬殘菊一枝黃正是亂山  
深處過重陽 旅枕原無夢寒更每自長只言江左好  
風光不道中原歸思轉淒涼

呂本中

前調

雲繞風前鬢春開鏡裏妝鳳屏清晝裊龍香淺畫蛾眉  
新樣遠山長 比翼曾同夢雙魚隔異鄉玉樓依舊暗

鄧肅

垂楊樓下落花流水自斜陽

前調

元夜書事

曾覲

璧月窺紅粉金蓮映綵山東風絲管滿長安移下十洲  
三島在人間 兩兩人初散厭厭夜向闌倦妝殘醉怯  
輕寒手撚玉梅無緒倚闌干

前調

曾覲

粉黛娉婷豔芝蘭笑語香延平春色鬪芬芳不管清宵  
更漏聽霓裳 燭暗人方醉杯傳意更長可堪羈客九  
迴腸蕭瑟一簷風雨過橫塘

前調

楊无咎

笛噴風前曲歌翻意外聲年來老子厭風情可是於君



一見眼雙明 枕臂聽殘漏 停杯對短檠 直教筆底有  
文星 欲狀此時情 味若為成

前調

楊无咎

綵縷牽腸斷 明珠暗滴圓 從頭顆顆手親穿 寄與仙卿  
同結此生緣 和串攏瑜臂連 雲墜雪肩 循環密數對  
沉煙似我真 情不斷 永相聯

前調

壽呂聖俞

侯寘

菊潤初經雨 橙香獨占秋 碧琳仙釀試新篋 內集熙熙  
共遣蟻浮甌 家世傳黃閣 功名起黑頭 雙鳧聊傍故  
人舟 咫尺青雲岐路看英遊

前調

辛棄疾

世事從頭減 秋懷徹底清 夜深猶送枕邊聲 試問清溪  
底事未能平 月到愁邊白 雞先遠處鳴 是中無有利  
和名因甚 山前未曉有人行

前調

新開池

辛棄疾

散髮披襟處 浮瓜沉李時 涓涓流水細侵階 鑿箇池兒  
喚箇月兒來 畫棟頻搖動 紅蕖盡倒開 鬪勻紅粉照  
香顚 有箇人兒把箇鏡兒猜

前調

辛棄疾

妙入參同契 禪依不二門 細看斜日隙中塵 始覺人間  
何處不紛紛 病笑春先到 閒知嬾是真 百般啼鳥苦  
撩人除却提壺此外不堪聞



前調

槁項詩餘瘦愁腸酒後柔晚涼團扇欲知秋臥看明河  
銀影界天流 鶴警人初靜蟲吟夜更幽佳辰祇合筭  
花籌除了一天風月更何求

范成大

前調

悵望梅花驛凝情杜若洲香雲低處有高樓可惜高樓  
不近木蘭舟 緘素雙魚遠題紅片葉秋欲憑江水寄  
離愁江已東流那肯更西流

范成大

前調

七夕

銀渚盈盈渡金風緩緩吹晚香浮動五雲飛月姊妒人  
顰畫一彎眉 短夜難留處斜河欲淡時半愁半喜是

范成大

佳期一度相逢添得兩相思

前調

陳三聘

別後驚人遠歸心怯櫓柔晚天涼思冷於秋冷浸一溪  
明月水瀾流 醉裏狂仍在吟餘趣極幽夜深何用數  
更籌別有好風吹酒不須求

前調

七夕

陳三聘

月傍雲頭吐風將雨脚吹夜深烏鵲向南飛應是星娥  
顰恨入雙眉 舊怨垂千古新歡只片時一年屈指數  
佳期到得佳期別了又相思

前調

張孝祥

人物義皇上詩名沈謝間漫郎元是漫為官醉眼曹騰



只擬看湘山 小隱真成趣 鄰翁獨往還 野堂梅柳尚  
春寒且趁華燈頻泛酒船寬

前調

張孝祥

曾到蘄州否 人人說使君 使君才具合 經綸小試邊城  
早晚上星辰 佳節重陽近 清歌午夜新 舉杯相屬莫  
辭頻 後日相思我已 是行人

前調

過嚴關

張孝祥

路盡湘江水 人行瘴霧間 昏昏西日度 嚴關天外一簪  
初見嶺南山 北鴈連書斷 秋霜點鬢斑 此行休問幾  
時還 準擬桂林佳處 過春殘

前調

程垓

雨燕翻新幙 風鴉繞舊枝 畫堂春盡日 遲遲又是一番  
平綠漲西池 病起尊難盡 腰寬帶易垂 不堪村落子  
規啼 問道行人一去 幾時歸

前調

程垓

淡靄籠青瑣 輕寒薄翠綃 有人憔悴帶寬腰 又見東風  
不忍見柔條 悶酒尊難盡 閒香篆易銷 夜來溪雪已  
平橋 溪上梅魂憑仗 一相招

前調

早春

程垓

梅隴飛香定 蘭牕翠色齊 水邊沙際又春歸 領略東風  
能有幾人知 愛月眠須晚 尋花去未遲 誰家庭院更  
芳菲 費盡才情 休負一春詩



前調

荷蓋傾新綠 榴巾蹙舊紅 水亭煙榭晚涼中 又是一鈎  
新月靜房櫳 絲藕清如雪 慙紗薄似空 好懷今夜與  
誰同 喚取玉人來 共一簾風

程 垓

前調

野水尋溪路 青山踏晚春 偶來相值却鍾情 一樹瓊瑤  
洗盡客衣襟 曲沼通詩夢 幽牕淨客塵 何時散髮伴  
襜裙 後夜相思生怕月 愁人

程 垓

前調

早春感懷

弱柳眠初醒 殘梅舞尚癡 春陰將冷傍簾幃 又是東風  
和恨向人歸 樂事燈前記 愁腸酒後知 老來無計遣

程 垓

芳時只有閒情隨 分品花枝

前調

程 垓

竹粉翻新箨 荷花拭靚妝 斷雲侵晚度橫塘 小扇斜釵  
依約傍牙牀 蘸蜜分紅荔 傾筒瀉碧香 醉時風雨醒  
時涼 明月多情依舊過 西廂

前調

程 垓

翠黛隨妝淺 銖衣稱體香 好風偏與十分涼 却扇含情  
獨自繞池塘 碧藕絲絲嫩 紅榴葉葉雙 牽絲摘葉為  
誰忙 情到厭厭擗醉又何妨

前調

袁去華

秋晚霜初肅 江寒霧未收 西風吹老白蘋洲 長笛一聲



誰在水邊樓 帶綠橙新破 眞醇酒旋筩簪花莫怪老  
人羞直是黃花羞上老人頭

前調

王千秋

鵲起驚紅雨潮生漲碧瀾水晶城館月方圓誰喚騎鯨  
仙伯下三山 筆勢翔鸞媚詞鋒射斗寒向來文價重  
賢關便令批風支月紫薇間

前調

王炎

天末家何許津頭客未歸柳梢綠暗早鶯啼蝴蝶不知  
春去繞園飛 選勝多遊冶當壚有麗姝青翰載酒漾  
晴暉不忍十分寥落負春時

前調

王炎

山暝雲陰重天寒雨意濃數枝幽豔濕啼紅莫爲惜花  
惆悵對東風 蓑笠朝朝出溝塍處處通人間辛苦是  
三農要得一犁雨足望年豐

前調

陸游

異縣相逢晚中年作別難暮秋風雨客衣寒又向朝天  
門外語悲歡 瘦馬行霜棧輕舟下雪灘烏奴山下一  
林丹爲說三年常寄夢魂間

前調

嚴仁

憶舊

柳陌連雲徑瓊梳啓翠樓桃花紙薄漬冰油記得年時  
詩句爲君留 曉綠千層出春紅一半休門前溪水泛  
花流流到西州猶是故家愁



前調

史達祖

采綠隨雙槳看山藉一筇關南桃樹幾番紅昨夜詩情  
頻在雨聲中花徑無雲隔苔垣只夢通舊歡一晌可  
過從試覓鴛鴦新杏簡春風

前調

吳潛

池水凝新碧欄花駐老紅有人獨倚畫橋東手把一枝  
楊柳繫春風蝶絆遊絲墜蜂黏落蕊空鞦韆庭院小  
簾櫳多少閒情閒緒雨聲中

前調

徐照

簾影篩金線爐煙裊翠絲菰芽新出滿盆池喚取玉瓶  
添水買魚兒意取金釵碧慵梳髻翅垂相思無處說

相思笑把畫羅小扇覓春詞

前調 新月

洪璚

柳浪搖晴沼荷風度晚簷碧天如水印新蟾一罇清光  
斜露玉纖纖寶鏡微開匣金鈎半押簾西樓今夜有  
人忺應傍妝臺低照畫眉尖

前調

沈端節

遠樹昏鴉鬧衰蘆睡鴨雙雪蓬煙棹炯寒光疑是楓林  
纖月到船牕時序驚心破江山引夢長思量也待不  
思量淚濕羅巾猶帶舊時香

前調 清明

黃昇

天上傳新火人間試袂衣定巢新燕覓香泥不為繡簾



朱戶說相思 側帽吹飛絮憑闌送落暉粉痕銷淡錦  
書稀怕見山南山北子規啼

前調 重九

黃昇

蘭佩秋風冷茱囊曉露新多情多感怯芳辰強折黃花  
來照碧粼粼 落帽參軍醉空尊靖節貧世間那復有  
斯人目送歸鴻西去一傷神

前調

張樞

柳戶朝雲濕花牕午篆清東風未放十分晴留戀海棠  
顏色過清明 壘潤棲新燕籠深鎖舊鶯琵琶可是不  
堪聽無奈愁人把做斷腸聲

前調 燕喜亭

張炎

牕密春聲聚花多水影重只留一路過東風圍得生香  
不斷錦熏籠 月地連金屋雲樓瞰翠蓬惺忪笑語隔  
簾櫳知是誰調鸚鵡柳陰中

前調

石孝友

蟻酒浮明月鯨波泛落星春花秋葉幾飄零只有廬山  
君眼向人青 明日非今日長亭更短亭不辭一飲盡  
雙瓶爭奈秋風江口酒初醒

前調

石孝友

草色裙腰展冰容水鏡開又還春事破寒來一夜東風  
吹綻後園梅 糯甕筍香釀熏爐續麝煤休驚節物暗  
相催羸取大家沉醉探春杯



前調

石孝友

疇昔飛鸞侶而今斷鴈行西風嶺外下斜陽無賴一鈎  
新月挂人腸 雙淚沾襟袖孤燈對客牀枕餘衾剩只  
殘香別得嬌癡不睡也思量

前調

石孝友

亂絮飄晴雪殘花繡地衣西園歌舞驟然稀只有多情  
蝴蝶作團飛 舊事深琴怨新愁減帶圍倚樓凝望更  
依依怕見一天風雨捲春歸

前調

趙君舉

天末疑無路波翻欲御風此身忽在玉壺中醉倒不知  
南北與西東 獵獵遙鳴草颼颼靜打篷與君回棹碧

雲濃不是思歸只為酒船空

前調

僧揮

十里青山遠潮平路帶沙數聲啼鳥怨年華又是淒涼  
時候在天涯 白露收殘月清風散曉霞綠楊堤畔鬧  
荷花記得年時沽酒那人家

前調

宋媛 李清照

天上星河轉人間翠幕垂涼生枕簟淚痕滋起解羅衣  
聊問夜何其 翠貼蓮蓬小金銷藕葉稀舊時天氣舊  
時衣只有情懷不似舊家時

前調

劉仲尹

榴破猩肌血萱開鳳尾黃舊閑風簟雪膚涼一枕濃香



御選唐詩余 卷三  
魂夢到巫陽 雲紵描瑤草蓮顛洗玉漿碧梧深院小  
藤牀此意一江春水正難量

前調

趙攄

澗草萋萋綠林鶯恰恰啼汀沙過雨便無泥換得芒屨  
隨意到前溪 浦溆渾堪畫雲煙總是題江湖老伴一  
蓑衣真箇斜風細雨不須歸

前調

苦雨

王從叔

碧樹留雲濕青山似笠低鷓鴣啼罷竹雞啼不曉天天  
何意要梅肥 昨日穿青葛今朝御衲衣思家懷抱政  
難為只恐歸來憔悴却羞歸

前調

詠蓼花

劉基

汀荇青絲盡紅蓮白羽空翠蕤丹粟炫芳叢總把秋光  
管領屬西風 豔敵秦川錦鮮欺楚岸楓鯉魚却下水  
仙宮肯放斜陽更向若華東

前調

送別

劉基

送別滄江永傷心落日曛寶箏絃斷鴈離羣最苦愁濃  
酒淡不成醺 黃葉淒涼月丹楓索漠雲重來此地却  
思君但覺驪歌猶在耳中聞

前調

吳子孝

月色明如水空山分外明一分尚缺不須盈已遣遊人  
翹望不勝情 吳下雲巖好秋深玉宇清雲中如有步  
虛聲應念謫仙憔悴鬢星星



前調 遊仙詞

王錫爵

月色依微照雲光淺淡流捲簾同上最高樓試看海天  
萬里好清秋 酌酒金螺小調笙玉指柔更深鶴背冷  
颼颼勸我今宵且住莫歸休

前調 羈懷

楊慎

黃鶴蓬萊島青鳧杜若洲愁人寂夜夢仙遊不信一身  
流落向南州 萬里家山路三更海月樓離懷脉脉思  
悠悠何日錦江春水一扁舟

前調 夏景

張大烈

櫻綴珊瑚赤梅懸金彈黃一簾槐影送微涼菡萏香生  
風掬落斜陽 玉液龍泉色瓊漿雀舌香枕看新月映

紗牕忽聽數聲漁笛起滄浪

前調

陳子龍

淡淡花梢去融融翠影流碧天無際迴含愁留得一庭  
春露上簾鈎 風軟飛紅靜煙深嫩綠收為誰相送海  
西頭應有玉簫吹斷鳳凰樓

前調 中秋

沈宗堦

雲與山同潔溪將煙共澄嬋娟儘力稱人情欲照一天  
美滿到微明 桂子開梁苑桐陰點楚萍誰家玉笛弄  
秋聲一夜相思清影夢難成

前調 秋夜

明媛 葉小鸞

門掩瑤琴靜牕消畫卷閒半庭香霧遶闌干一帶澹煙



紅樹隔樓看 雲散青天瘦風來翠袖寒嫦娥看又小  
檀彎照得滿堦花影只難攀

前調

葉小鸞

庭際花枝嫋簾前漢渚橫斷腸何必問吹笙但見海棠  
葉上露星星 牆月深深照爐香細細零誰家閨婦又  
砧聲攪得夢魂無賴不堪情

前調

石孝友

春淺梅紅小山寒嵐翠薄斜風吹雨入簾幙夢覺南樓  
嗚咽數聲角 歌酒工夫嬾別離情緒惡舞衫寬盡不  
堪著若比那回相見更消削

御選歷代詩餘卷二十四



御選歷代詩餘卷二十五目錄

起五十三字至五十四字

望遠行

李珣 二首

紅窗聽

晏殊 二首

東坡引

趙師俠 二首

袁去華

河傳 又一體

韋莊 二首

前調 又一體



閻選

前調 又一體

顧夔

前調 又一體

辛棄疾

怨王孫

韋莊

張先

張元幹 二首

李清照 二首

劉基 二首

迎春樂 又一體

晏殊

菊花新 又一體

杜安世

上林春令 又一體

毛滂

紅羅襖

周邦彥

折桂令

倪瓚

戀繡衾



蔣捷

夜行船

趙長卿

天下樂

楊无咎

鬢邊華

無名氏

茶瓶兒

梁意娘

恨來遲 又一體

無名氏

浪淘沙 又一體

柳永

前調 又一體

李之儀

望江南

呂巖

王琪 十首

韓琦

歐陽修

張先

蘇軾 二首



謝逸 二首

周邦彥 二首

王安中 四首

向子諲

趙長卿

李綱 六首

楊无咎

張孝祥

程垓

方千里

楊澤民

吳文英 三首

陳允平 二首

趙汝茝

汪元量

無名氏

僧揮

劉基

吳子孝

張大烈

河傳 又一體

顧夙



前調 又一體

顧夙

前調 又一體

孫光憲

江月晃重山

元好問

楊慎 四首

張大烈

南鄉子 又一體

歐陽修 二首

褚附鳳

卓人月

張大烈

前調 又一體

張大烈

戀繡衾 又一體

陸游

史達祖

吳文英

陳允平 二首

張翥

月照梨花 又一體



陸游 二首

摘紅英

無名氏

張翥

李鄂

端正好

杜安世 四首

趙長卿

朱敦儒

楊无咎 二首

辛棄疾 三首

趙彥端

吳禮之

高觀國 四首

史達祖 二首

汪莘 二首

吳文英 二首

周密 三首

張炎

石孝友

江開

李萊老



楊宛

御選歷代詩餘卷二十五目錄

御選歷代詩餘卷二十五 起五十三字至五十四字

司經局洗馬掌局事兼翰林院修撰加二級臣王奕清奉

旨校刊

望遠行

雙調五十三字

望遠行

李珣

春日遲遲思寂寥  
行客關山路遙瓊  
牕時聽語鶯嬌柳  
絲牽恨一條條  
休暈繡罷吹簫貌  
逐殘花暗凋同心  
猶結舊裙腰  
忍辜風月度良宵

前調

李珣

露滴幽庭落葉時  
愁聚蕭娘柳眉  
玉郎一去負佳期  
水



雲迢遞鴈書遲 屏半掩枕斜敲蠟淚無言對垂吟蛩  
斷續漏頻移入牕明月鑒空帷

紅牕聽

聽或作睡雙調五十三字起七  
字句叶仄韻或多一字者誤

紅牕聽

晏殊

澹薄梳妝輕結束天付與臉紅羞綠斷環書素傳情久  
許雙飛同宿 一晌無端分比目誰知道風前月底相  
看未足此心終擬覓鸞絃重續

前調

晏殊

記得香閨臨別語彼此有萬重心訴澹雲輕靄知多少  
隔桃源無處 夢覺相思天欲曙依前是銀屏畫燭宵

長歲暮此時何計托鴛鴦飛去

東坡引

雙調五十三字結必  
以疊句為正格也

東坡引

趙師俠

相看情未足離觴已催促停歌欲語羞先感何期歸太  
速 如今去也無計追逐怎忍聽陽關曲扁舟後夜灘  
頭宿愁隨煙樹簇愁隨煙樹簇

前調

趙師俠

飛花紅不聚都因夜來雨枝頭冷落情如許東風誰是  
主 看看滿地堆却香絮但目斷章臺路殘英剩蕊留  
春住春歸何處去春歸何處去



前調

袁去華

隴頭梅半吐江南歲將暮閒牕盡日將愁度黃昏愁更苦  
歸期望斷雙魚尺素念嘶騎到何處殘燈背壁三更鼓  
斜風吹細雨斜風吹細雨

河傳

又一體雙調  
五十三字

河傳

韋莊

春晚風暝錦城花滿狂煞遊人玉鞭金勒尋勝馳驟輕  
塵惜良辰翠娥爭勸臨卣酒纖纖手拂面垂絲柳歸  
時煙裏鐘鼓正是黃昏暗銷魂

前調

韋莊

錦浦春女繡衣金縷霧薄雲輕花深柳暗時節正是清  
明雨初晴玉鞭魂斷煙霞路鶯鶯語一望巫山雨香  
塵隱映遙望翠檻紅樓黛眉愁

前調

又一體

閻選

秋雨秋雨無晝無夜滴滴霏霏暗燈涼簟怨分離妖姬  
不勝悲西風稍急喧牕竹停又續膩臉懸雙玉幾迴  
邀約雁來時違期雁歸人不歸

前調

又一體

顧夙

曲檻春晚碧流紋細綠楊絲軟露華鮮杏枝繁鶯囀野  
蕪平似翦直是人間到天上堪遊賞醉眼疑屏障對  
池塘惜韶光斷腸為花須盡狂



前調

又一體

辛棄疾

春水千里孤舟浪起夢攜西子覺來村巷夕陽斜幾家  
短牆紅杏花 晚雲做造些兒雨折花去岸上誰家女  
太狂顛那邊柳線被風吹上天

怨王孫

亦名月照梨花雙調五十三字與河傳格調頗合向來另立一調仍分之

怨王孫

韋莊

錦里蠶市滿街珠翠千萬紅妝玉蟬金雀寶髻花簇鳴  
璫繡衣長 日斜歸去人難見青樓遠隊隊行雲散不  
知今夜何處深鎖蘭房隔仙鄉

前調

張先

花暮春去都門東路嘶馬將行江南江北十里五里郵  
亭幾程程 高城漸遠重凝睇煙容細晚碧空無際不  
知今夜何處冷落衾幃欲眠時

前調

張元幹

霽雨天迴平林煙暝燈閃沙汀水生釣艇樓外柳暗誰  
家亂昏鴉 相思怪得今番甚寒食近小研魚箋信屏  
山半掩微醉獨倚闌干恨春寒

前調

張元幹

小院春晝晴牕霞透著雨胭脂倚風翠袖芳意惱亂人  
多暖金荷 多情不分羣葩後傷春瘦淺黛看尖秀紅  
潮醉臉半掩花底重門怨黃昏



前調

宋媛 李清照

夢斷漏悄愁濃酒惱寶枕生寒翠屏向曉門外誰掃殘  
紅夜來風 玉簫聲斷人何處春又去忍把歸期負此  
情此恨此際擬託行雲問東君

前調

李清照

帝里春晚重門深院草綠階前暮天鴈斷樓上遠信誰  
傳恨絲絲 多情自是多沾惹難拚捨又是寒食也秋  
千巷陌人靜皎月初斜浸梨花

前調

劉基

翠被夜冷碧梧風勁蛩語將闌鴉棲不定開戶月在枝  
頭恰如鈎 煙波縹緲瑤臺路人何處黃葉連天雨夢

魂此際繞盡越水吳山白雲間

前調

劉基

漏悄人靜星稀雲澹煙柳成眠露華半領何處月色飛  
來滿樓臺 微風入袂還吹領愁都醒好箇清涼境紅  
塵自迴河漢應有仙槎待還家

迎春樂

又一體雙調  
五十三字

迎春樂

晏殊

長安紫陌春歸早鞦韆垂楊染芳草被啼鶯語燕催清曉  
正好夢頻驚覺 當此際青樓臨大道幽會處兩情多  
少莫惜明珠百琲占取年長少



菊花新

又一體雙調五十三字

菊花新

杜安世

怎奈花殘又鶯老檻裏青梅數枝小新荷長池沼當晴  
晝燕子聲鬧 亭闌花綻顏色好風雨催催等閒開了  
酒醒暗思量無箇事恁生煩惱

上林春令

又一體雙調五十三字

上林春令

毛滂

蝴蝶初翻簾繡方玉女齊回舞袖落花飛絮濛濛長憶  
著灞橋別後 濃香斗帳自永漏任滿地月深雲厚夜

寒不近流蘇祇憐他後庭梅瘦

紅羅襖

雙調五十三字作者無多以周邦彥一調為正格換頭乖字上或添懷字者誤

紅羅襖

周邦彥

畫燭尋歡去羸馬載愁歸念取酒東壚罇壘雖近采花  
南圃蜂蝶須知 自分袂天闊鴻稀空乖夢約心期楚  
客憶江籬筭宋玉未必為秋悲

折桂令

卻說對策東堂自云桂林一枝後遂以登科為折桂唐人詩中多用之調名本此雙調五十三字

折桂令

倪瓚

片帆輕水遠山長鴻雁將來菊蕊初黃碧海鯨鯢蘭苔



御選唐詩余  
卷五  
六  
翡翠風露鴛鴦 問音信何人諦當想情懷舊日風光  
楊柳池塘隨處凋零無限思量

戀繡衾

雙調五十三字起七字句必用物體其中間字句長短皆歌聲頓挫處不可游移然宋人已有不盡遵者論調格則不可不知也

戀繡衾

蔣捷

猜金小袖花下行過橋亭倚樹聽鶯被柳線低縈鬢紺  
雲垂釵鳳半橫 紅薇影轉晴牕畫漾蘭心未到繡屏  
奈一點春恨在青蛾彎處又生

夜行船

雙調五十三字與雨中花之別名者迥別此本調之正格也

夜行船

趙長卿

龜甲爐煙輕裊簾櫳靜乳鶯啼曉拂掠新妝時宜頭面  
繡草冠兒小 衫子揉藍初著了身材稱就中恰好手  
撚雙紈菱花重照帶朶宜男草

天下樂

雙調五十三字他無作者

天下樂

楊无咎

雪後雨兒雨後雪鎮日價長不歇今番為寒忒太切和  
天地也來厮擊 睡不著身心自暗擷况味憑誰說枕  
衾冷得渾似鐵祇心頭些箇熱

鬢邊華

雙調五十三字

御選唐詩余

卷五

夜行船天下樂鬢邊華茶瓶兒恨來遲

六



鬢邊華

無名氏

小梅香細豔淺過楚岸尊前偶見愛閒澹天與精神青  
鬢開人醉眼 如今拋擲經春恨不見芳枝寄遠向心  
上誰解相思賴長對妝樓粉面

茶瓶兒

雙調五  
十三字

茶瓶兒

宋媛 梁意娘

滿地落花鋪繡麗色著人如酒曉鶯窓外啼楊柳愁不  
奈兩眉頻皺 關山杳音信悄那堪是當年時候盟言  
辜負知多少對好景頓成消瘦

恨來遲

又一體雙調  
五十三字

恨來遲

無名氏

澹薄情懷淺綴臙脂獨占江梅最好是嚴凝苦寒天氣  
却是開時 也不許桃杏鬪妍媸也不許雪霜相欺又  
只恐誰家一聲長笛落盡南枝

浪淘沙

又一體或加今字  
雙調五十三字

浪淘沙

柳 永

有一箇人人飛燕精神急鏘環珮上華裯促拍盡隨紅  
袖舉風柳腰身 簌簌輕裙妙盡尖新曲終獨立斂香  
塵應是四肢嬌困也看黛雙顰



前調 又一體

李之儀

霞卷雲舒月澹星疎摩徽轉軫不曾虛彈到當時留意  
處誰是相如 魂斷酒家壚路隔雲衢舞鸞鏡裏早妝  
初擬學畫眉張內史略借工夫

望江南

雙調五十四字即從單調加一疊也或合李煜二詞上下分韻遂謂有又一體者非

望江南

呂巖

瑤池上瑞霧靄羣仙素練金童鏘鳳板青衣玉女嘯鸞  
絃身在大羅天 沉醉處縹緲玉京山唱徹步虛清燕  
罷不知今夕是何年海水又桑田

前調

王琪

江南柳煙穗拂人輕愁黛空長描不似舞腰雖瘦學難  
成天意與風情 攀折處離恨幾時平已縱柔條縈客  
棹更飛狂絮撲旗亭三月亂鶯聲

前調

王琪

江南雨風送滿長川碧瓦煙昏沉柳岸紅綃香潤入梅  
天飄灑正瀟然 朝與暮長在楚峰前寒夜愁歌金帶  
枕暮江深閉木蘭船煙浪遠相連

前調

王琪

江南岸雲樹半晴陰帆去帆來天亦老潮生潮落日還  
沉南北別離心 興廢事千古一沾襟山下孤煙漁市  
曉柳邊疎雨酒家深行客莫登臨



前調

江南竹清潤絕纖埃深徑欲留雙鳳宿後庭偏映小桃  
開風月影徘徊 寒玉瘦霜霰信相催粉淚空留妝點  
在羊車曾傍翠枝來龍笛莫輕裁

王琪

前調

江南草如種復如描深映落花鶯舌亂綠迷南浦客魂  
消日日鬪青袍 風欲轉柔態不勝嬌遠翠天涯經夜  
雨冷痕沙上帶昏潮誰夢與蘭苕

王琪

前調

江南水江路轉平沙雨霽高煙收素練風晴細浪吐寒  
花迢遞送星槎 名利客飄泊未還家西塞山前漁唱

王琪

遠洞庭波上鴈行斜征棹宿天涯

前調

王琪

江南月清夜滿西樓雲葉開時冰吐檻浪花深處玉沉  
鈎圓缺幾時休 星漢迴風露入新秋丹桂不知搖落  
恨素娥應信別離愁天上共悠悠

前調

王琪

江南酒何處味偏濃醉臥春風深巷裏曉尋香旆小橋  
東竹葉滿金鍾 檀板奏人面粉生紅青杏黃梅朱閣  
上鮭魚苦笋玉盤中酩酊任愁攻

前調

王琪

江南雪輕素翦雲端瓊樹忽驚春意早梅花偏覺曉香



寒飛盞遞清歡 蟾玉迴清夜好重看謝女聯詩吟翠  
幙子猷乘興泛平瀾空惜舞英殘

前調

王琪

江南燕輕颺繡簾風二月池塘新社過六朝宮殿舊巢  
空頡頏恣西東 王謝宅曾入綺堂中煙徑落花飛遠  
遠曉牕驚夢語匆匆偏占杏園紅

前調

韓琦

安陽好形勢魏西州曼衍山川環故國昇平歌吹沸南  
樓和氣鎮飛浮 籠畫陌喬木幾春秋花外軒牕排遠  
岫竹間門巷帶長流風物更清幽

前調

歐陽修

江南蝶斜日一雙雙身似何郎曾傳粉心如韓壽愛偷  
香天賦與輕狂 微雨後薄翅膩煙光纔伴遊蜂來小  
院又隨飛絮過東牆長是為花忙

前調

與龍  
靚

張先

青樓宴靚女薦瑶杯一曲白雲江月滿際天拖練夜潮  
來人物悞瑶臺 醺醺酒輕拂上雙腮媚臉已非朱淡  
粉香紅全勝雪籠梅標格外風埃

前調

蘇軾

春未老風細柳斜斜試上超然臺上看半壕春水一城  
花煙雨暗千家 寒食後酒醒却咨嗟休對故人思故  
國且將新火試新茶詩酒趁年華



前調

春已老春服幾時成曲水浪低蕉葉穩舞雩風軟苧羅  
輕酣咏樂昇平 微雨過何處不催耕百舌無言桃李  
盡柘枝深處鶉鴝鳴春色屬蕪青

蘇軾

前調

臨川好柳岸轉平沙門外澄江丞相宅壇邊喬木列仙  
家春到滿城花 行樂處舞袖卷輕紗漫摘青梅嘗煮  
酒旋煎白雪試新茶明月上簷牙

謝逸

前調

臨川好山影碧波搖魚躍冰池飛玉尺雲橫石嶺拂鮫  
綃高樹竹蕭蕭 寒食近湖水綠平橋繁杏梢頭張錦

謝逸

旆垂楊陰裏繫蘭橈邀客解金貂

前調

周邦彥

歌席上無賴是橫波寶髻玲瓏歌玉燕繡巾柔膩掩香  
羅人好自宜多 無箇事因甚斂雙蛾淺澹梳妝疑見  
畫惺忪言語勝聞歌何況會婆婆

前調

周邦彥

遊妓散獨自繞回堤芳草懷煙迷水曲密雲銜雨暗城  
西九陌未霑泥 桃李下春晚自成蹊牆外見花尋路  
轉柳陰行馬過鶯啼無處不悽悽

前調

王安中

安陽好物外占天平壘壘接藍煙岫色淙淙鳴玉曉溪



聲仙路馭風行 松徑轉丹碧照飛甍金界花開常爛  
漫雲根石秀小崢嶸幽事不勝清

前調

王安中

安陽好負郭相君園綠野移春花自老平泉醒酒石空  
存月館對風軒 人選勝幽徑破苔痕擁砌翠筠侵坐  
冷穿亭玉溜落池喧歸意黯重門

前調

王安中

安陽好曲水似山陰咽咽清泉岩溜細彎彎碧甃篆痕  
深永晝坐披襟 紅袖小歌扇畫泥金鴨綠波隨雙葉  
轉鵝黃酒到十分斟重聽繞梁音

前調

王安中

安陽好耆舊迹依然醉白垂楊低掠水延松高桂老參  
天曾映兩貂蟬 王謝族蘭玉秀當年畫隼朱輪人繼  
踵丹臺碧落世多賢簪紱看家傳

前調

向子諲

微雨過庭院靜無塵天上秋期明日是人間月影十分  
清真不負佳辰 稱壽處香霧繞花身玉兔已成千歲  
藥桂花更與一枝新喜氣滿重闈

前調

霜天有感

趙長卿

山又水雲岫插峰巒斷鴈飛時霜月冷亂鴉啼處日銜  
山疑在畫圖間 金烏轉遊子損朱顏別淚盈襟雙袖  
濕春心不放畫眉閒此去幾時還



前調 池陽道中

歸去好迂騎過江鄉茅店雞聲寒逗月板橋人跡曉凝  
霜一望楚天長 春信早山路野梅香映水酒帘斜颺  
日隔林漁艇靜鳴榔杳杳下殘陽

前調

李綱

新閣就向日借清光廣厦生風非我志小牕容膝正相  
當聊此傲羲皇 狨尾拂高挂木繩牀老病維摩誰問  
疾散花天女為焚香恰好細商量

前調 去沙陽過分水嶺

李綱

征騎遠千里別沙陽泛碧齋傍凝翠閣樓雲寺裏印心  
堂回首意茫茫 分水嶺煙雨正淒涼南望甌閩連海

嶠北歸吳越過江鄉極目暮雲長

前調

李綱

雲棹遠南浦綠波春日暖風和初解凍餌香竿裊好垂  
綸一釣得金鱗 風乍起吹皺碧淵淪紅鱸斫來鮮更  
美白醪酤得旨兼醇一醉武陵人

前調

李綱

清晝永幽致夏來多遠岸參差風颺柳平湖清淺露翻  
荷移棹釣煙波 涼一霎飛雨灑輕蓑滿眼生涯千頃  
浪放懷樂事一聲歌不醉欲如何

前調

李綱

江上雪獨立釣漁翁箬笠但聞冰散響蓑衣時振玉花



空圖畫若為工 雲水暮歸去遠煙中茅舍竹籬依小  
嶼縮鱗圓鯽入輕籠歡笑有兒童

前調

張節使  
生長

楊无咎

鍾陵好嘉節慶元正瑞色潛將春共到台星遙映月初  
升賢帥為時生 人意樂天宇亦清明淡薄梅腮嬌倚  
暖依微柳眼喜窺晴和氣滿江城

前調

張孝祥

朝元去深殿扣瑤鐘天近月明黃道靜參回斗轉碧霄  
空身在九光中 風露下環珮響丁東玉案燒香縈翠  
鳳松壇移影動蒼龍歸路海霞紅

前調

程垓

篷上雨篷底有人愁身在漢江東畔去不知家在錦江  
頭煙水兩悠悠 吾老矣心事幾時休沉水熨香年似  
日薄雲垂帳夏如秋安得小書舟

前調

方千里

春色暮短艇橫長堤飛絮空隨花上下啼鶯占斷水東  
西來往燕爭泥 桑柘綠歸去覓前蹊夜瓮酒香從蟻  
鬪曉牕眠足任雞啼猶勝旅情悽

前調

楊澤民

尋勝去驅馬上南堤信脚不知人遠近醉眠猶勸玉東  
西歸帽任衝泥 春雨過農事在瓜蹊野卉無名隨路  
滿山禽著意傍人啼鼓角已悲悽



前調 賦書臨照女

吳文英

衣白苧雪面墮愁鬟不識朝雲行雨處空隨春夢到人間  
留向畫圖看 慵臨鏡流水洗花顏自織蒼煙湘淚冷  
誰撈明月海波寒天澹霧漫漫

前調 茶

吳文英

松風遠鶯燕靜幽芳妝褪官梅人倦繡夢回春草日初  
長瓷盃試新湯 笙歌斷情與絮悠颺石乳飛時離鳳  
怨玉纖分處露花香人去月侵廊

前調

吳文英

三月暮花落更情濃人去鞦韆閒挂月馬停楊柳倦嘶  
風堤畔畫船空 厭厭醉長日小簾櫳宿燕夜歸銀燭

外啼鶯聲在綠陰中無處覓殘紅

前調

陳允平

嬌灼灼聰雋在秋波六幅香裙拖細縠一鈎塵鞮翦輕  
羅春意動人多 臨寶鑑石黛拂修蛾燕子樓頭蝴蝶  
夢桃花扇底竹枝歌楊柳月婆娑

前調

陳允平

煙漠漠湖外綠楊堤滿地落花春雨後一簾飛絮夕陽  
西梁燕落香泥 流水恨和淚入桃蹊鸚鵡洲邊鸚鵡  
恨杜鵑枝上杜鵑啼歸思越悽悽

前調

趙汝芑

簾不捲細雨熟櫻桃數點霽霞天又曉一痕涼月酒初



消風緊絮花高 蕭閒處磨盡少年豪  
昨夢醉來騎白鹿 滿湖春水段家橋  
濯髮聽吹簫

前調

汪元量

官舍悄坐到月西斜  
永夜角聲悲自語  
客心愁破更思家  
南北各天涯  
腸斷裂搔首  
一長嗟  
綺席象牀寒玉枕  
美人何處醉黃花  
和淚撚琵琶

前調

無名氏

梅花好依約透春光  
記得佳人初睡起  
巧臨鸞鑑試新妝  
粉面鬪瓊芳  
江亭上  
遶樹嗅清香  
擬把一枝傳信去  
不知何處是蘭房  
獨自暗淒涼

前調

僧揮

成都好蠶市趁遨遊  
夜放笙歌喧紫陌  
春邀燈火上紅樓  
車馬隘瀛洲  
人散後  
繭館喜綢繆  
柳葉已饒燈黛細  
桑條何似玉纖柔  
立馬看風流

前調

劉基

黃昏雨滴瀝四簷  
聲陡為衾裯添宿潤  
都來肺腑作愁城  
惟覺寐難成  
單棲鳥  
幾度繞枝鳴  
金獸有煙飛不起  
玉蟲無燄翳還明  
誰識此時情

前調

送王虞卿之京師

吳子孝

春欲暮把酒送君行  
雲裏鸞鸞新振羽  
江南煙樹遠含情  
花外忽啼鶯  
年正少  
清望與才名  
共道文章終有用  
玉堂金馬待登瀛  
相憶鳳凰城



前調夜泊漢江口

張大烈

吟眺處江雨正霏霏九疊雲華蒼巘秀一川煙浪白鷗  
飛此景十分奇吟眺罷客思正依依拄杖尋詩雙屐  
履扁舟垂釣一蓑衣此趣幾人知

河傳

又一體雙調五十四字

河傳

顧 夔

燕颺晴景小牕屏暖鴛鴦交頸菱花掩却翠鬟敲慵整  
海棠簾外影繡幃香斷金鸚鵡無消息心事空相憶  
倚東風春正濃愁紅淚痕衣上重

前調又一體

顧 夔

棹舉舟去波光渺渺不知何處岸花汀草共依依雨微  
鷓鴣相逐飛天涯離恨江聲咽啼猿切此意向誰說  
倚蘭橈獨無憀魂消小爐香欲焦

前調又一體

孫光憲

花落煙薄謝家池閣寂寞春深翠蛾輕斂意沉吟沾襟  
無人知此心玉爐香斷霜灰冷簾鋪影梁燕歸紅杏  
晚來天空悄然孤眠枕檀雲髻偏

江月晃重山

此用西江月小重山兩調句法串合因以名調凡調之以犯名者即此義雙調五十四字

江月晃重山

初到嵩山作

元好問

塞上秋風鼓角城頭落日旌旗少年鞍馬適相宜從軍



樂莫問所從誰 候騎纔通冀北先聲已動遼西歸期  
猶及柳依依春閨月紅袖不須啼

前調 立春  
四首

楊慎

臘尾金杯灩灩春頭綵勝翩翩裁紅暈碧動嫣然風日  
好偷眼豔陽天 一曲玉簫明月幾絃錦瑟華年故鄉  
迢遞水雲連歸未得思發在花前

前調

楊慎

金馬九重恩譴碧雞二十春風江花江草每年同君不  
見憔悴已成翁 白髮戴花休笑紫髯說劍猶雄欲箋  
心事向天公賒美酒長醉玉壺中

前調

楊慎

屏翳烘雲靺鞨義和敲日玻璃韶風麗景畫橋西春色  
早南國思黃鸝 瀟灑蕙樓茵閣繁華杏塢桃溪多情  
楊柳露新萸堪一醉騎馬欲雞棲

前調

楊慎

龍馬山前草長螳螂川上花開霜天曉角報春回傳菜  
手先進盪寒杯 金線絲絲染柳玉英片片熏梅流光  
容易把人催吾老矣何日賦歸來

前調 立春

張大烈

新翦釵頭綵勝開先爆竹轟雷土牛鞭動報春回椒花  
宴祝頌紫霞杯 百舌調歌上柳羣蜂吸氣尋梅韶華  
淑景序中催知春早芽茁襯鮮苔



南鄉子

又一體一名減字南鄉子雙調五十四字

南鄉子

歐陽修

翠密紅繁水國涼生未是寒雨打荷花珠不定輕翻冷  
潑鴛鴦錦翅斑 盡日凭闌弄蕊拈花仔細看偷得裏  
蹄新鑄樣無端藏在紅房豔粉間

前調

歐陽修

雨後斜陽細細風來細細香風定波平花映水休藏照  
出輕盈半面妝 路隔秋江蓮子深深隱翠房意在蓮  
心無問處難忘淚裏紅腮不記行

前調 秋懷寄友

褚附鳳

忽地秋催又見黃花滿徑開箕踞科頭無箇事三杯林  
下清風亦壯哉 何必徘徊收拾天涯宦跡回藝圃自  
存經濟意歸來贏得先生五柳栽

前調 美人曉妝

卓人月

花影分明闖入紗牕上翠屏籠內鸚哥春夢醒低聲却  
向牀頭喚玉人 俏髻盤成縹緲虛無雲氣清旭日熏  
人如卯酒微醒重倚瑤琴眼倦撐

前調 荷花

張大烈

水殿風涼一陣飄飄一陣香翠衣綠蓋擁霞光中藏沼  
底鮮浮百媚妝 露滴輕黃透濕蓮心潤秀房蒂欲並  
頭根未藕難忘錦袖啼紅淚幾行



前調

又一體

張大烈

小立露臺寬扇撲流螢興未闌隔牆歌韻振瓊珊撩撥  
離情悶倚闌 月圓人影單擺動花枝魂欲殘遙憶雙  
星何日渡貪觀隔斷銀河不忍看

戀繡衾

又一體雙文調  
五十四字

戀繡衾

陸游

不惜貂裘換釣篷嗟時人誰識放翁歸棹借風輕穩數  
聲聞林外暮鐘 幽棲莫笑蝸廬小有雲山煙水萬重  
半世向丹青看喜如今身在畫中

前調

史達祖

吳梅初試澗谷春夜幽幽江鴈叫雲人正在孤牕底被  
濃愁醺破醉魂 雨牕只剩殘燈影伴羅衣無限淚痕  
瘦骨怕紅絲冷說年時斗帳夜分

前調

吳文英

頻摩書眼怯細文小牕陰天氣似昏獸爐暝慵添困帶  
茶煙微潤寶熏 少年驕馬西風冷舊春衫猶浣酒痕  
夢不到梨花路斷長橋無限暮雲

前調

陳允平

緗桃紅淺柳褪黃燕初來宮漏漸長任日轉花梢也倚  
蘭屏猶未試妝 秦鸞舊曲無心理憶年時相傍采桑  
聽綠樹嬌鶯轉一聲聲都是斷腸



前調

陳允平

多情無語斂黛眉寄相思偏仗柳枝待折向尊前唱奈  
東風吹作絮飛 歸來醉抱琵琶睡正酒醒香盡漏移  
無賴是梨花夢被月明偏照翠帷

前調

張翥

醉鄉殘夢鶯喚醒見柳梢日影弄晴又誤了尋芳伴減  
東風庭院笑聲 玉兒扶起仍嬌困索櫻桃花露解醒  
縱病也心情好比別離滋味較輕

月照梨花

又一體雙調  
五十四字

月照梨花

陸游

霽景風軟煙江春漲小閣無人繡簾半上花外姊妹相  
呼約擣菹 修蛾忘了章臺樣細思一晌感事添惆悵  
胸酥臂玉消減擬覓雙魚倩傳書

前調

陸游

悶已縈損那堪多病幾曲屏山伴人晝靜梁燕催起猶  
慵換熏籠 新愁舊恨何時盡漸凋綠鬢小雨知花信  
芳箋寄與何處繡閣珠櫳柳陰中

摘紅英

又名擷芳詞雙  
調五十四字

摘紅英

無名氏

風搖蕩雨濛茸翠條柔弱花頭重春衫窄香肌濕記得



年時共伊曾摘 都如夢何曾共可憐孤似釵頭鳳關  
山隔晚雲碧燕兒來也又無消息

前調 惜花

張翥

鶯聲寂鳩聲急柳陰一片梨花濕驚人困教人恨待到  
平明海棠應盡 青無力紅無跡殘香剩粉那禁得天  
難準晴難穩晚風又起倚闌怎忍

前調 早春

李鄂

潮頭白峰頭碧落梅香暗漁翁笠西風透東風驟待得  
清明鶯花時候 鶯聲澀花枝寂春來已蠟看山屐山  
如舊春如繡層樓望處蒼寒紅瘦

端正好

一名於中好即杏花天之又一體亦名杏花風雙調五十四字

端正好

杜安世

檻菊愁煙霑秋露天微冷雙燕辭去月明空照別離苦  
透素光穿朱戶 夜來西風彫寒樹凭闌望迢遙長路  
花牋寫就此情緒待寄與知何處

前調

杜安世

每遇春來長如病玉容瘦薄妝相稱雙歡未久成孤冷  
奈厚約全無定 衆禽啾唧聲愁聽相思事多少春恨  
孤眠帳外銀釭耿透一點爐煙暝

前調

杜安世

露落風高桐葉墜小庭院秋涼佳氣蘭堂聚飲華筵啓



罷令曲呈珠綴 晚天行雨凝香袂新聲內分明心意  
玉爐初噴檀煙起斂愁在雙蛾翠

前調

杜安世

野禽林棲啾唧語閒庭院殘陽將暮蘭堂靜悄珠簾窳  
想玉人歸何處 喜鵲幾回空無據愁都在雙眉頭聚  
淒涼方感孤鴛侶對夜永成愁緒

前調

趙長卿

乍涼淅淅風生幕人獨在朱闌翠閣吹簫信杳爐香薄  
看上新愁又覺 從前事擬將拚却夢不斷花梢柳萼  
一杯睡起誰同酌斜日陰陰轉角

前調

朱敦儒

淺青庭院東風曉細雨打鴛鴦寒峭花光望見秋千了  
無路踏青鬪草 人別後碧雲信杳對佳景愁多歡少  
等他燕子傳音耗紅杏開時未到

前調

楊无咎

牆頭豔杏花初試遶珍叢細按紅蕊欲知占盡春明媚  
悄無意看桃李 持杯準擬花前醉早一葉兩葉飛墜  
晚來旋旋深無地更聽得東風起

前調

楊无咎

濺濺不住淚流素憶曾記碧桃紅露別來寂寞朝還暮  
恨遮斷當時路 仙家豈解空相誤嗟塵世自難知處  
而今重與春為主儘浪蕊浮花妒



前調 清明

辛棄疾

軟波拖碧蒲芽短畫樓外花晴柳暖今年自是清明晚  
便覺芳情較嬾春衫瘦東風翦翦過花塢香吹醉面  
歸來立馬斜陽岸隔岸歌聲一片

前調

辛棄疾

病來自是於春嬾但別院笙歌一片蛛絲網徧玻璃盞  
更問舞裙歌扇有多少鶯愁蝶怨任夢裏春歸不管  
楊花也笑人情淺故故沾衣撲面

前調

辛棄疾

牡丹昨夜方開徧畢竟是今年春晚荼蘼付與薰風管  
燕子忙時鶯嬾多病起日長人倦不待到酒闌歌散

甫能得見茶甌面却早安排腸斷

前調

趙彥端

風韶雨潤催花候歎無限年年常有桃蹊杏陌相期久  
一為東君試手匆匆去那人信否襟淚漬粉香依舊  
單衣煮酒重來後好與看承人瘦

前調

吳禮之

悶來凭得闌干暖自手引朱簾高捲桃花半露胭脂面  
芳草如茵乍展煙光散湖光澗澗映綠柳黃鸝巧囀  
遙山好似宮眷淺人比遙山更遠

前調

高觀國

霽煙消處寒猶嫩乍門巷惜惜晝永池塘夢草魂初醒



秀句吟春未穩 仙源阻春風瘦損又燕子來無芳信  
小桃也自知人恨滿面羞紅難問

前調

高觀國

遠山學得修眉翠 看眉展春愁無際雨痕半濕東風外  
不管梨花有淚 西園路青鞵暗記怕行人秋千徑裏  
一春多少相思意說與新來燕子

前調

題杏花春禽  
扇面掛軸

高觀國

花凝露濕臙脂透是綵筆丹青染就粉綃帕入班姬手  
舒卷清寒時候 春禽靜來窺晴晝閒冷落芳心知否  
不愁院宇東風驟日日嬌紅如舊

前調

杏花

高觀國

玉壇消息春寒淺露紅玉嬌生靚豔小憐鬢濕臙脂染  
只隔粉牆相見 花陰外故家夢遠想未識鶯鶯燕子  
飄零翠徑紅千點桃李春風已晚

前調

清明

史達祖

細風微月垂楊院記年少春愁一點棲鶯未覺花梢顫  
踏損殘紅幾片 長安共日邊近遠况老少芳情漸減  
屏山幾夜春寒淺却怕因而夢見

前調

史達祖

古城官道花如霰便恰限花間再見雙眉最現愁深淺  
隔雨春山兩點 回頭但垂楊帶苑想今夜銅駝夢遠  
行人去了鶯聲怨此度關心未免



前調

汪莘

殘雪林塘春意淺倚碧玉闌干日晚霞天五色明如翦  
上有新蟾占斷 從別後水遙山遠倩說與天台劉阮  
方壺只有梅花伴不似桃花庭院

前調

汪莘

美人家在東南住每惆悵江南日暮白蘋洲畔花無數  
還憶瀟湘風度 幸自是斷腸無處怎強作鶯聲燕語  
東風占斷秦箏柱也逐落花歸去

前調

吳文英

蠻薑荳蔻相思味筭却在春風舌底江清愛與消殘醉  
憔悴文園病起 停嘶騎歌着送意記曉色東城夢裏

紫檀暈淺香波細腸斷垂楊小市

前調

吳文英

鬢稜初翦玉纖弱早春入屏山四角少年買困成歡謔  
人在濃香繡幄 霜絲換梅殘夢覺夜寒重長安紫陌  
東風入戶先情薄吹老燈花半萼

前調

周密

瑞雲盤翠侵宮額看柳嫩不禁愁積返魂誰染東風筆  
寫出郢中春色 人去後垂楊自碧歌舞夢欲尋無迹  
愁隨兩槳江南北日暮石城風急

前調

周密

漢宮乍出慵梳掠關月冷玉沙飛幕龍香繞指春風弱



一曲哀絃漫托 君恩重空憐命薄青冢遠幾番花落  
丹青自是難描摸不是當時畫錯

前調

周密

金池瓊苑曾經醉是少紅情綠意東風一枕遊仙去  
換却鶯花人世 漸暮色鴉聲四起正愁滿香溝流水  
一色柳煙三十里爲問春歸那裏

前調

賦疎杏

張炎

湘羅幾翦黏新巧似過雨臙脂全少不教枝上春痕鬧  
都被海棠分了 帶柳色愁眉暗惱漫遙指孤村路杳  
深巷明朝休起早空等賣花人到

前調

石孝友

把杯莫唱陽關曲行客去居人恨踞屏山似展江如簇  
不見樽前醉玉 鶻啼處怨聲裂竹問後夜蘭舟那宿  
帛書難繫征鴻足腸斷絃孤怎續

前調

江開

謝娘庭院通芳徑四無人花梢轉影幾番心事無憑準  
等得青春過盡 秋千下佳期又近算畢竟沉吟未穩  
不成又是教人恨待倩楊花去問

前調

李萊老

年時中酒風流病正雨暗蘼蕪深徑人家寒食煙初禁  
狼藉梨花雪影 西湖夢紅沉翠冷記舞板歌裙厮趁  
斜陽苦與黃昏近生怕畫船歸盡



前調 半硯

明妓 楊宛

光凝斐几秋牕曉正墨影香浮繚繞天留一半心多少  
只恐文章懊惱 休回首玉樓信杳靈鬼笑頑仙怎了  
從今檢點中書考辜負銅臺人老

御選歷代詩餘卷二十五

御選歷代詩餘卷二十六目錄 五十字

臨江仙

和凝

留春令 又一體

黃庭堅

木蘭花 又一體

魏承班

玉闌干

杜安世

惜雙雙

張先



憶王孫 又一體

周紫芝

茶瓶兒 又一體

趙彥端

三字令 又一體

向子諲

紅窗睡 又一體

無名氏

南鄉一翦梅

虞集

鸚鵡曲

馮子振 三首

金錯刀

馮延巳

金鳳鈞

晁補之

雨中花 又一體

劉一止

趙長卿

程垓 二首

前調 又一體

吳子孝



南歌子 又一體

周邦彥

楊无咎 二首

青門引 又一體

吳子孝

浪淘沙 又一體

南唐李煜 二首

歐陽修 三首

王安石

晏幾道 四首

張先

賀鑄

毛滂

葛勝仲 二首

周紫芝 二首

謝逸

呂渭老

趙師俠 三首

趙長卿

朱敦儒

康伯可 二首

曾覲



侯寘

辛棄疾 二首

范成大

陳三聘

葛立方

程垓

吳琚

陸游

謝懋

李洪

王炎

毛幵

高觀國

史達祖 二首

張榘 四首

洪璚

黃昇 二首

吳文英 二首

蔣捷

周密 二首

張炎 六首

韓偓 二首



趙旭

鄧剡

李振祖

李萊老 二首

李彭老

尚希尹

僧德洪

李清照 二首

鄭氏

金淑柔

幼卿

玉英

段成已

元好問 二首

白樸

蕭漢傑

張翥

劉基 三首

吳子孝 四首

楊慎 二首

顧同應

李攀龍



錢繼章 二首

張大烈

陳子龍

王泰際

沈宗堦

劉氏

葉小鸞

端淑卿

楊宛

御選歷代詩餘卷二十六目錄







留春令

黃庭堅

江南一鴈橫秋水歎咫尺斷行千里回文機上字縱橫  
欲寄遠憑誰是謝客池塘春都未微微動短牆桃李  
半陰纔暝却清寒是瘦損人天氣

木蘭花

又一體雙調  
五十四字

木蘭花

魏承班

小芙蓉香旖旎碧玉堂深清似水閉寶匣掩金鋪倚屏  
拖袖愁如醉遲遲好景煙花媚曲渚鴛鴦眠錦翅凝  
然愁望靜相思一雙笑靨嚙香蕊

玉闌干

雙調五  
十四字

玉闌干

杜安世

珠簾捲春殘景小雨牡丹零盡庭軒悄悄燕高飛風飄  
絮綠苔暗浸欲將幽恨傳愁信想後期今無憑定幾  
回獨睡不思量還悠悠夢裏尋趁

惜雙雙

雙調五十四字與惜分  
飛又一體之別名不同

惜雙雙

張先

城上層樓天邊路殘照裏平蕪綠樹傷遠更惜春暮有  
人還在高高處斷夢歸雲經日去無計使哀絃寄語  
相望恨不相遇倚橋臨水誰家住



憶王孫

又一體亦名怨王孫  
雙調五十四字

憶王孫

周紫芝

梅子青時春游老紅滿地落花誰掃舊年池館不歸來  
又綠盡今年草 思量千里鄉關道山共水幾時得到  
杜鵑只解怨殘春也不管人煩惱

茶瓶兒

又一體雙調  
五十四字

茶瓶兒

趙彥端

淡月華燈春夜送東風柳煙梅麝寶釵宮髻連驕馬似  
記得帝城遊冶 悅親戚之情話况溪山坐中如畫凌

波微步人歸也看酒醒鳳鸞誰跨

三字令

又一體雙調  
五十四字

三字令

向子諲

春盡日雨餘時紅簌簌綠漪漪花滿地水平池煙光裏  
雲影上畫船移 文鴛並白鷺飛歌韻響酒行遲將我  
意入新詩春欲去留且住莫教歸

紅窓睡

又一體雙調  
五十四字

紅窓睡

無名氏

簾日烘花花影亂人未起戀鳳衾紅軟驚回香夢蘭情



倦怪金衣頻轉 玉笋芽接雙媚眼尋釵股敲鬟淺攏  
重桂正暖翡幃低揭漏篝煙一半

南鄉一翦梅

雙調五十四字亦是  
合二調為一調也

南鄉一翦梅

虞集

南阜小亭臺薄有山花取次開寄語多情態少府晴也  
須來雨也須來 隨意且銜杯莫惜春衣坐綠苔若待  
明朝風雨過人在天涯春在天涯

鸚鵡曲

雙調五十四字或以馮子振後二首另名黑漆弩分二體  
今觀三詞止小有異同且皆和韻則知為一調無疑也

鸚鵡曲

和白元  
答韻

馮子振

巍峩峰頂移家住旦暮見上下樵父爛柯時樹老無花  
葉葉枝枝風雨 故人曾喚我歸來却道不如休去指  
門前萬疊青山是不費青蚨買處

前調

錢塘  
初夏

馮子振

錢塘江上親曾住司馬櫂不是村父縷金衣唱徹流年  
幾陣紗牕梅雨 夢回時不見犀梳燕子又銜春去便  
人間月缺花殘是小小香魂斷處

前調

馮子振

長繩難繫虛名住傾濁酒好勸鄰父草庭前矮樹當門  
畫出輕煙疎雨 看燕南陌上紅塵馬耳北風吹去一  
年年月夜花朝自占取溪山好處



金錯刀

一名醉瑤瑟亦名步  
虛詞雙調五十四字

金錯刀

馮延巳

日融融草芊芊黃鶯求友啼林前柳條裊裊拖金線花  
蕊茸茸簇錦毳 鳩逐婦燕穿簾狂蜂浪蝶相翩翩春  
光堪賞還堪玩惱煞東風悞少年

金鳳鈎

雙調五  
十四字

金鳳鈎

晁補之

雪晴閒步花畔試屈指早春將半櫻桃枝上最先到却  
恨小梅芳淺 忽驚拂水雙來燕暗自憶故人猶遠一

分風雨占春愁一來又對花腸斷

雨中花

又一體或多令字雙調五十四字與五十四字夜行  
船句法無殊平仄小別故亦名夜行船之又一體也

雨中花

劉一止

十頃疎梅開半就折芳條嫩香滿袖今度何郎尊前疑  
怪花共人俱瘦 側側輕寒吹散酒高城近怕聽更漏  
可惜溪橋月明風露長是人歸後

前調

趙長卿

短棹輕舟排辦了歌聲斷晚霞殘照紅蓼陂頭綠楊堤  
外離恨知多少 別後莫教音信杳歎光陰自來堪笑  
畫角譙門槐溪歸路正是楚天曉



前調

程垓

聞說海棠開盡了怎生得夜來一笑顰綠枝頭落紅點  
裏問有愁多少 小院閉門春悄悄禁不得瘦腰如嬾  
豆蔻濃時醪醑開處試把菱花照

前調

程垓

舊日愛花心未了緊消得花時一笑幾日春寒連宵雨  
悶不道幽歡少 記得去年深院悄梁畔一枝香嫋嫋  
說與西樓後來明月莫把梨花照

前調

吳子孝

池上輕雷遙動埽炎暑天邊雲重蘭堂夜宴酒初斟雨  
把新涼相送 檀板朱絃聊一弄聲窈窕塵飛高棟須

東雨散風敲竹看玉盃蔗漿寒凍

南歌子

又一體雙調  
五十四字

南歌子

周邦彥

膩頸凝酥白輕衫淡粉紅碧油涼氣透簾櫳指點庭花  
低影雲母屏風 恨逐瑤琴寫書勞玉指封等閒贏得  
瘦儀容何事不教雲雨略下巫峰

前調

楊无咎

小雨疎疎過長江滾滾流落霞殘照晚明樓又是一番  
重午身寄南州 羅綺紛香陌魚龍漾彩舟不堪回首  
鳳池頭誰道於今霜鬢猶自淹留



前調

波靜明如染山光翠欲流晚來乘興上妝樓樓外誰歌  
新唱知有黃州 擬泛銀河浪聊乘藕葉舟蓬山應是  
隱鰲頭借問謫仙何在為誰留

青門引

又一體雙調  
五十四字

青門引

吳子孝

花發如花信不奈雨狂風橫一枝紅色正鮮妍春容可  
愛愛極翻成困 飄零容易添新恨對酒閒評論不如  
松菊傲霜凌雪年年無恙留三徑

浪淘沙

又一體一名賣花聲一名過龍  
門一名曲入冥雙調五十四字

浪淘沙

南唐李煜

簾外雨潺潺春意闌珊羅衾不耐五更寒夢裏不知身  
是客一晌貪歡 獨自莫憑闌無限江山別時容易見  
時難流水落花春去也天上人間

前調

南唐李煜

往事只堪哀對景難排秋風庭院蘚侵階一桁珠簾閒  
不卷終日誰來 金劍已沉埋壯氣蒿萊晚涼天淨月  
華開想得玉樓瑤殿影空照秦淮

前調

歐陽修

把酒祝東風且共從容垂楊紫陌洛城東總是當時攜



手處遊徧芳叢 聚散苦匆匆此恨無窮今年花勝去年紅料得明年花更好知與誰同

前調

歐陽修

花外倒金翹飲散無憀柔桑蔽日柳迷條此地年時曾一醉還是春朝 今日舉輕橈帆影飄飄長亭回首短亭遙過盡長亭人更遠特地魂消

前調

歐陽修

萬恨共絲絲舊約前歡桃花溪畔柳陰間幾度日高春睡重繡戶深關 樓外夕陽閒獨自凭闌一重水隔一重山水闊山高人不見有淚無言

前調

王安石

伊呂兩衰翁歷徧窮通一為釣叟一耕農假使當時俱不遇老了英雄 湯武一相逢風虎雲龍興王只在笑談中及至而今千載下誰與爭功

前調

晏幾道

高閣對橫塘新燕年光柳花殘夢隔瀟湘綠浦歸帆看不見還是斜陽 一笑解愁腸人會蛾妝藕絲衫袖鬱金香曳雪牽雲留客醉且伴春狂

前調

晏幾道

小綠間長紅露蕊煙叢花開花落昔年同惟恨花前攜手處往事成空 山遠水重重一笑難逢已擽長在別離中霜鬢知他從此去幾度春風



前調

晏幾道

麗曲醉思仙十二哀絃穠蛾疊柳臉紅蓮多少雨條煙  
葉恨紅淚離筵 衫子惜流年鷓鴣枝邊吳堤春水橫  
蘭船南去北來今漸老難負尊前

前調

晏幾道

翠幕綺筵張淑景難忘陽關聲巧遶雕梁美酒十分誰  
與共玉指持觴 曉枕夢高唐略話衷腸小山池院竹  
風涼明夜月圓簾四捲今夜思量

前調

張先

腸斷送韶華為惜楊花雪毬搖曳逐風斜容易著人容  
易去飛過誰家 聚散苦咨嗟無計留他行人灑淚滴

流霞今日畫堂歌舞地明日天涯

前調

賀鑄

一葉忽驚秋分付東流殷勤為過白蘋洲洲上小樓簾  
半捲應認歸舟 回首戀朋游迹去心留歌塵蕭散楚  
雲收惟有尊前曾見月相伴人愁

前調

毛滂

深院繡簾垂前日春歸畫橋楊柳弄煙霏池面東風先  
解凍龜上漣漪 酒澣玉東西香暖狻猊遠山鬱秀入  
雙眉待看碧桃花爛漫春日遲遲

前調

葛勝仲

步屨對東風細探春工百花堂下牡丹叢莫恨使君來



便去不見鞵紅 霧眼一衰翁無意芳穠年來結習已成空寄語國香雕檻裏好爲人容

前調

賞菊

葛勝仲

我愛菊花枝 浥露偏宜旋移佳種一年期照眼黃金三徑爛可但東籬 秋老摘花吹敢恨開遲只愁一夜便香衰待插滿頭年大也且泛芳卮

前調

除夜

周紫芝

江上送年歸還似年時屠蘇休恨到君遲覺得醉鄉無事處莫放愁知 紅炷一燈垂應笑人衰鶴長鳧短怨他誰明日江樓春到也且醉南枝

前調

周紫芝

落日在闌干風滿晴川坐來高浪擁銀山白鷺欲棲飛不下却入蒼煙 千里水雲寒正繞煙鬟拍浮須要酒杯寬天與吾曹供一醉不是人間

前調

謝逸

料峭小桃風凝淡春容寶燈山列半天中麗服靚妝攜手處笑語匆匆 酒滴小槽紅一飲千鍾銅壺擎燭絳紗籠歸去笙歌喧院落月照簾櫳

前調

呂渭老

纖指捧琉璃莫惜重持自離閨苑失回期門掩東風桃著子簾影遲遲 樓上正橫篔簹荷氣沾衣誰將名玉碾花枝不比尋常紅與紫取次芳菲



前調 杏花

絳萼襯輕紅綴簇玲瓏天桃繁李一時同獨向枝頭春意鬧嬌倚東風飛片入簾櫳粉淡香濃鳳簫聲斷月明中只恐明朝風雨惡燕嘴泥融

前調 桃花

桃萼正芳菲初占春時蒸霞燦錦望中迷斜出繁枝臨曲沼鸞鑑妝遲蜂蝶正相依天氣融怡空教追憶武陵溪片片漫隨流水去風暖煙霏

前調 柳

搖曳萬絲風輕染煙濃鵝黃初褪綠茸茸雨洗雲嬌春向晚雪絮空濛車馬灞橋中別緒匆匆只知攀折怨

趙師俠

西東不道曉風殘月岸離恨無窮

前調

趙長卿

綠樹嚶鳴禽已是春深楊花庭院日陰陰簾外飛來雙語燕不寄歸音舊事懶追尋空惹芳心天涯消息遠沉沉記得年時中酒後直至而今

前調

朱敦儒

風約雨橫江秋滿蓬牕箇中物色儘淒涼更是行人行未得猶繫歸舸擁被換殘香黃卷堆牀開愁展恨翦思量伊是浮雲儂是夢休問家鄉

前調

康伯可

蹙損遠山眉幽怨誰知羅衾滴盡淚臙脂夜過春寒愁



未起門外鴉啼 惆悵阻佳期人在天涯東風頻動小  
桃枝正是銷魂時候也撩亂花飛

前調

康伯可

愁撚斷釵金遠信沉沉秦箏調怨不成音郎馬不知何  
處也樓外春深 好夢已難尋夜夜餘衾目窮千里正  
傷心記得當年郎去路綠樹陰陰

前調

觀潮

曾覲

一線海門來雪噴雲開崑山移玉下瑤臺捲地西風吹  
不斷直到蓬萊 羯鼓噪春雷鼉舞蛟迴歌樓鼓吹夕  
陽催今古清愁流不盡都入罇罍

前調

侯寘

曉日掠輕雲霜瓦鱗鱗六朝山色儼如新家在洞庭南  
畔住身在江濱 華髮照烏巾無意尋春空將兩袖拂  
飛塵可惜梅花開近路惱盡行人

前調

山寺夜半聞鐘

辛棄疾

身世酒杯中萬事皆空古來三五箇英雄雨打風吹何  
處是漢殿秦宮 夢入少年叢歌舞匆匆老僧夜半誤  
鳴鐘驚起西牕眠不得捲地西風

前調

賦虞美人

辛棄疾

不肯過江東玉帳匆匆只今草木憶英雄唱著虞兮當  
日曲便舞春風 兒女此情同往事朦朧湘娥竹上淚  
痕濃舜目重瞳堪痛恨羽又重瞳



前調

范成大

黯淡養花天 小雨能慳煙 輕雲薄有無間 官柳絲絲都  
綠 徧猶有春寒 空翠濕征鞍 馬首千山多情 若是肯  
俱還 別有玉杯承露 冷留共君看

前調

陳三聘

風雨晚春天 芳興慵慳 淺紅稠綠 滿園間 獨有梨花三  
四 朶留住春寒 年少躍金鞍 咫尺關山 倦飛如我已  
知還 灑向東風 千點淚衣上 重看

前調

葛立方

休看輞川圖 未是幽居 何如雲水 繞儲胥 新濕青紅開  
棟宇 霧拱風疎 小圃秀郊墟 花破平蕪 五峰列影水

新第落成即席

平鋪只欠五城樓 十二便是蓬壺

前調

程垓

山盡兩溪頭 水合天浮 行人莫賦大江愁 且是芙蓉城  
下水 還送歸舟 魚雁兩悠悠 煙斷雲收 誰教此水却  
西流 載我相思 千點淚 還與青樓

前調

吳琚

岸柳可藏鴉 路轉溪斜 忘機鷗鷺立汀沙 咫尺鍾山迷  
望眼 一半雲遮 臨水整烏紗 兩鬢蒼華 故鄉心事在  
天涯 幾日不來春 便了開盡桃花

前調

陸游

綠樹暗長亭 幾把離尊 陽關常恨不堪聞 何況今朝秋

丹陽浮玉亭



色裏身是行人 清淚浥羅巾各自銷魂一江離恨恰  
平分安得千尋橫鐵鎖截斷煙津

前調

謝懋

黃道雨初乾霽靄空蟠東風楊柳碧毵毵燕子不歸花  
有恨小院春寒 倦客亦何堪塵滿征衫明朝野水幾  
重山歸夢已隨芳草綠先到江南

前調

櫻桃

李洪

上苑又春殘櫻顆如丹明光宮裏水晶盤想得退朝花  
底散宣賜千官 往事記金鑾荔子難攀多情更有酪  
漿寒蜀客筠籠相贈處愁憶長安

前調

王炎

秋色滿東籬露滴風吹憑誰折取泛芳卮長是年年重  
九日苦恨開遲 因記得當時共撚纖枝而今寂寞鳳  
孤飛不似舊時心緒好惟有花知

前調

毛幵

簾幙燕雙飛春共人歸東風側側雨霏霏水隔西池花  
滿地追惜芳菲 回首昔游非別夢依稀一成春瘦不  
勝衣無限樓前傷遠意芳草斜暉

前調

杜鵑花

高觀國

啼魄憶天涯怨入芳華可憐零血染煙霞記得西風秋  
露冷曾浼司花 明月滿牕紗倦客思家故宮春事與  
愁賒冉冉斷魂招不得翠冷紅斜



前調

史達祖

醉月小紅樓錦瑟筵篋夜來風雨曉來收幾點落花饒  
柳絮同為春愁 寄信問晴鷗誰在芳洲綠波迎處有  
蘭舟獨對舊時攜手地情思悠悠

前調

史達祖

一帶古苔牆多聽寒蟬篋中鍼線早銷香燕尾寶刀牕  
下夢誰翦秋裳 更漏莫添長空費思量鴛鴦難得再  
成雙昨夜楚山花簟裏波影先涼

前調

和上元敘別二首

張榘

風色轉東南翠擁層巒杏花疎雨逗清寒鍾阜石城何  
處是煙靄漫漫 行旆已西關一霎時間芳尊聊復挽

餘歡明日斷魂分付與萬疊雲山

前調

張榘

雨過暮天南高下青巒小樓燕子話春寒多少夕陽芳  
草地霧掩煙漫 別恨正相關心上看間離歌一曲間  
悲歡後夜月明何處夢鍾阜雲山

前調

次韻雨中海棠

張榘

春夢草茸茸愁雨愁風對花須拚酒頻中莫遣枝頭銀  
燭暗辜負媽紅 推起簿書叢何苦匆匆慳吟却說少  
陵公天定為花開一笑日上籬東

前調

訂出郊

張榘

煙縷暗蒙茸楊柳輕風雨聲多在夜牕中春水漸生春



事去流盡殘紅 新筍綠叢叢鶯語匆匆一尊同酌定  
林公十里長松青未了山北山東

前調 別意

洪璚

花霧漲冥冥欲雨還晴薄羅衫子正宜春無奈今宵鴛  
帳裏身是行人 別酒不須斟難洗離情綠鞞如電紫  
騮鳴腸斷畫橋芳草路月曉風清

前調

黃昇

鶯蝶太匆匆惱煞山翁牡丹開盡狀元紅俯仰之間增  
感慨花事成空 垂柳綠陰中粉絮濛濛多情多病轉  
疎慵不是東風辜負我我負東風

前調 憶舊

黃昇

秋色滿層霄翦翦寒飈一襟殘照兩無聊數盡歸鴉人  
不見落木蕭蕭 往事欲魂消夢想風標春江綠漲水  
平橋側帽停鞭沽酒處柳軟鶯嬌

前調 越中楊梅

吳文英

綠樹越溪灣雨過雲殷西陵人去暮潮還鉛淚結成紅  
粟顆封寄長安 別味帶生酸愁憶看山小樓燈外棟  
花寒衫袖醉痕花唾在猶染微丹

前調 九日

吳文英

山遠翠眉長高處淒涼菊花清瘦杜秋孃淨洗綠杯牽  
露井聊薦幽香 烏帽壓吳霜風力偏狂一年佳節過  
西廂秋色鴈聲愁幾許都在斜陽



前調 重九

蔣捷

白露浴疎桐秋滿簾櫳揜琴無語意忡忡  
拍破東窗窺皓月早上芙蓉 前事渺茫中  
煙水孤鴻一尊重九又成空不解吹愁吹  
帽落恨煞西風

前調

周密

芳草碧茸茸染恨無窮一春心事雨聲中  
窄素宮羅寒尚峭閒倚熏籠 猶記粉牆東  
同醉香叢金鞍何處驟花驄裊裊綠牕殘  
夢斷紅杏東風

前調

周密

柳色淡如秋蝶懶鶯羞十分春事九分休  
開盡楝花寒尚在怕上簾鈞 京洛少年遊  
誰念淹留東風吹雨過

西樓殘夢宿醒相合就一段新愁

前調 秋江

張炎

萬里一飛蓬吟老丹楓潮生潮落海門東  
三兩點鷗沙外月閒意誰同 一色與天通  
絕去塵紅漁歌忽斷荻花風煙水自流心  
不競長笛霜空

前調 題許由擲瓢手卷

張炎

拂袖入山阿深隱松蘿掬流洗耳厭塵多  
石上一般清意味不羨漁蓑 日月靜中過  
俗慮消磨風瓢分付與清波却笑唐求因  
底事不奈詩何

前調

張炎

寒食不多時燕燕纔歸杏花零落水痕肥  
淺碧分山初



過雨一霎晴暉 閒折小桃枝蝶也相隨晚妝不合整  
蛾眉驀忽思量張敞畫又被愁知

前調

墨水  
仙

張炎

回雪欲婆娑淡埽修蛾盈盈不語奈情何應恨梅兄礬  
弟遠雲隔山阿 弱水夜寒多帶月曾過羽衣飛過染  
餘波白鶴難招歸未得天闊星河

前調

張炎

玉立水雲鄉爾我相忘披離寒雨庇風霜不趁白鷗遊  
海上靜看魚忙 應笑我淒涼客路何長猶將孤影侶  
斜陽花底鵝行無認處却對秋塘

前調

作墨水  
仙寄張伯雨

張炎

香霧濕雲鬢蕊佩珊珊酒醒微步晚波寒金鼎尚存丹  
已化雪冷虛壇 游冶未知還鶴怨空山瀟湘無夢繞  
叢蘭碧海茫茫歸不去却在人間

前調

韓 轆

莫上玉樓看花雨斑斑四垂羅幙護朝寒燕子不知春  
去也飛認闌干 回首幾關山後會應難相逢祇有夢  
魂間可奈夢隨春漏短不到江南

前調

豐登樂  
樓

韓 轆

裙色草初青鴨綠波輕試花霏雨濕春晴三十六梯人  
不到獨喚瑤箏 艇子憶逢迎依舊多情朱門只合鎖  
娉婷却逐彩鸞歸去路香陌春城



前調

握管淚盈眸欲寫還休人間情是阿誰留千丈游絲不  
落地風外悠悠 煙雨晚山稠人在西樓幾行候鴈下  
汀洲一箇思鄉寒夜客萬種離愁

趙旭

前調

疎雨洗天清枕簟涼生井桐一葉做秋聲誰念客身輕  
似葉千里飄零 夢斷古臺城月淡潮平便須攜酒訪  
新亭不見當時王謝宅煙草青青

鄧剡

前調

春在畫橋西畫舫輕移粉香何處度漣漪認得一船楊  
柳外簾影垂垂 誰倚碧闌低酒暈雙眉鴛鴦並浴燕

李振祖

交飛一片閒情春水隔斜日人歸

前調

李萊老

榆火換新煙翠柳朱簷東風吹得落花顛簾影翠梭懸  
繡帶人傍秋千 猶憶十年前西子湖邊斜陽催入畫  
樓船歸醉夜堂歌舞月拚却春眠

前調

李萊老

寶押繡簾斜鶯燕誰家銀箏初試合琵琶柳色春羅裁  
袖小雙戴桃花 芳草滿天涯流水韶華晚風楊柳綠  
交加閒倚闌干無藉在數盡歸鴉

前調

李彭老

潑火雨初晴草色青青傍檐垂柳賣春餈畫舫載花花



御選歷代詩餘 卷三  
後選歷代詩餘 卷三  
解語綰燕吟鶯 簫鼓入西冷一片煙輕鈿車羅蓋競  
歸城別有水牕人喚酒弦月初生

前調

尚希尹

結客去登樓誰繫蘭舟半篙清漲雨初收把酒留春春  
不住柳暗江頭 老去怕閒愁莫休休晚來風惡下  
簾鈎試問落花隨水去還解西流

前調

懷歸

僧德洪

城裏久偷閒塵泥雲衫此身已是再眠蠶隔岸有山歸  
去好萬壑千巖 霜曉更凭闌滅盡晴嵐微雲生處是  
茅菴試問此身誰作伴彌勒同龕

前調

宋媛

李清照

素約小腰身不耐傷春疎梅影下晚妝新裊裊婷婷何  
樣似一縷輕雲 歌巧動朱唇字字嬌嗔桃花深徑一  
通津悵望瑤臺清夜月還照歸輪

前調

李清照

簾外五更風吹夢無蹤畫樓重上與誰同記得玉釵斜  
撥火寶篆成空 回首紫金峰雨潤雲濃一江春浪醉  
醒中留得羅襟前日淚彈與征鴻

前調

宋媛

鄭氏

盡日倚危闌觸目淒然乘高望處是居延忍聽樓頭吹  
畫角雪滿長川 荏苒又經年暗想梁園與民同樂五  
門前僧院仍存宣政字不見鰲山



前調

宋媛 金淑柔

雨溜和風鈴滴滴丁丁做成一枕別離情可是當年陶  
學士辜負郵亭 過鴈帶邊聲音信無憑花鬢偷數卜  
歸程料得到家秋正好菊滿寒城

前調

宋媛 幼卿

極目楚天空雲雨無蹤謾留遺恨鎖着峰自是荷花開  
較晚辜負東風 客館類飄蓬聚散匆匆揚鞭那忍驟  
花驄望斷斜陽人不見滿袖啼紅

前調

女仙 玉英

塞上早春時煖律猶微柳拖金線水回堤料得江鄉應  
更好開盡梅蹊 晝漏漸遲遲愁損香肌幾回無語斂

雙着凭徧闌干十二曲月下樓西

前調

惜花

段成已

好箇杏花時只怕寒欺東君無意惜芳蕤雨橫風狂都  
不管儘得禁持 瘦損一分肌著甚醫治一天春恨沒  
尋思怎得丁寧雙燕子說與春知

前調

元好問

春瘦怯春衣春思低迷雨聲偏與睡相宜惱懊離愁尋  
殢酒已被愁知 煙樹望中低水繞山圍丁寧雙燕話  
心期昨夜狂風花在否明日郎歸

前調

元好問

金翠畫屏山萬髻千鬟桃源樓閣五雲間恨煞芙蓉城



下客不借青鸞 風雨杏花殘芳意都闌一燈孤影小  
牕閒繡被熏來香欲盡只是春寒

前調

白樸

青瑣幾窺容帶結心同臨鸞誰與畫看峰自恨尋芳來  
較晚辜負春紅 無物比情濃無計相從殷勤心事若  
為通留得青衫前日淚彈滿西風

前調

春雨

蕭漢傑

濕逗晚香殘春淺春寒灑牕填戶著幽蘭慘慘悽悽仍  
滴滴做出多般 和霰撒珠盤枕上更闌芭蕉怨曲帶  
愁彈綠徧堦前苔一片曉起誰看

前調

臨川文昌樓望月

張翥

醉眼望秋寒星斗闌干小牕人影月明間客裏不知歸  
是夢只在吳山 行路自來難長鋏休彈黃塵到底澹  
儒冠一片白鷗湖上水閒了漁竿

前調

秋感

劉基

江上晚來風煙靄濛濛白蘋吹盡到丹楓流水落霞衰  
草外離恨無窮 極目楚雲東愁見歸鴻拒霜相倚夕  
陽中露重月寒芳意歇知為誰紅

前調

劉基

門外綠楊堤有箇鶯啼聲聲傳恨入香閨閨裏佳人驚  
睡起淚濕看低 莫把此情提天也悲淒滄江東下夕  
陽西芳草不知人別苦隨意萋萋



前調

劉基

樓上倚闌干月在雲端輕煙飛盡碧綃寒腸斷夕陽芳草外山海漫漫柳嫩不勝攀欲寄應難盤龍塵匣怨孤鸞可惜嬋娟今夜月好共誰看

前調

秋夜坐漱雲臺

吳子孝

山暝素煙凝新月初生珠簾倒影碧波明何處晚風涼滿樹蓮動魚驚絡緯奏秋聲花障閒庭金壺釀水玉臺平繞徧闌干還獨倚無限離情

前調

吳子孝

牕外鳥聲嬌嘲哢春朝每思郊野騁鳴鑣小暖作風風作雨興味無聊午枕困新醪夢醒香消江南風景到

春饒十里西山芳草路目斷心搖

前調

吳子孝

夜漏已三更露濕空庭名花爛漫異香生羅袖拂花花拂面有恨無情燈下認娉婷不住歌聲琵琶袞急酒頻傾百歲光陰春有幾風雨剛晴

前調

吳子孝

春去苦難留花落溪頭年年三月替花愁想到天涯青草徧望斷吟眸燕子已啁啾日暖風柔畫簾垂下雨初收縱是明年春到也猶隔今秋

前調

別友

楊慎

驟雨打新河綠漲清波風蒲獵獵映金荷池上玉尊移



後進歷代詩餘 卷三  
晚興共倚林柯 莫惜醉顏酡聽我離歌長亭回首碧  
雲多千里懷人思命駕何日重過

前調 春情

楊慎

春夢似楊花繞徧天涯黃鶯啼過綠牕紗驚散香雲飛  
不去篆縷煙斜 油壁小香車水渺雲賒青樓珠箔那  
人家舊日羅巾今日淚濕盡韶華

前調

顧同應

生小學詩篇嬌擘瑤牋春來獨自在花前謝女簾櫳飛  
柳絮有句難傳 香夢逗春煙一晌留連吟情多半爲  
花牽還憶從郎徵險韻譜入冰絃

前調 汨羅  
夜泊

李攀龍

風雨夜來多暗渡湘羅冷煙凝露蘸清波隔浦殘燈明  
半滅滿地漁蓑 三載幾回過壯志消磨蘆花深處楚  
人歌大半離騷經裏意音韻阿那

前調 聞春  
榜

錢繼章

往事不堪談休更凭闌年華冉冉入吟髯且喜長安人  
下第身在江南 何處較青藍夢裏邯鄲曲橋花影覆  
澄潭一領煙蓑三尺釣滿眼春山

前調

錢繼章

雲意壓山尖故故相黏繞籬敗葉夜重添不見黃花開  
一點孤負陶潛 悶坐了無歡舊恨新拈西風一霎捲  
茅簷欲買秋光無計可笑拾榆錢



前調

張大烈

顛顛嬾妝看對鏡方知愁腸難解膩如脂送過春華新  
景換枝上鶯啼人遠信難期夢繞天涯蝶魂常自戀  
花枝正是困人天氣也鷓鴣雙飛

前調

陳子龍

閣外曉雲生煙草初醒一番風雨一番晴幾度銷魂還  
未了又到清明偏是對娉婷特地飄零落花春夢兩  
無憑滿眼離愁留不住悔我多情

前調

王泰際

高閣掩春殘香冷衾單滿城桃李盡朱顏自分與花同  
福命長是心關作客信郎難書杳平安多因身在翠

微間歸看雙鸞妝鏡裏亦有青山

前調

沈宗堦

倦繡到如今睡思沉沉推琴罷阮怯繁音香夢不知何  
處去簾月偏深好會已難尋夜夜孤衾瑤階清影倍  
傷心憶著初春伊未去月也殷勤

前調

新秋

明媛

劉氏

昨夜雨綿綿寒澀燈煙薄衾蕭索不成眠曉起牀頭看  
曆日換了秋天綠葉尚新鮮猶想爭妍教他知道也  
淒然眼底韶光容易過樹且堪憐

前調

明媛

葉小鸞

薄暮峭寒分羅簾香焚粉牆留影弄微曛一縷茶煙和



夢煮却又黃昏 曲曲畫湘紋靜掩巫雲花開花落負  
東君賺取花開花又落都是東君

前調 憶外

明媛 端淑卿

灑淚卜金錢爻象移遷荷筒折斷藕絲連夢裏還家愁  
裏語總是虛占 時事苦迤邐一別經年北堂萱草望  
懸懸雲樹參差山水遠魚雁難傳

前調 茉莉

明妓 楊宛

盡日若含愁別樣嬌羞晚涼香散上簾鈎帶露摘來斜  
插鬢一夜風流 忒煞恁輕柔怎耐深秋相攜閒對小  
妝樓不忍淒涼伊似我我似伊不

御選歷代詩餘卷二十六







